

四庫全書

子部

欽定四庫全書

子部

古今合璧事類簡要別集卷一至

四

詳校官中書<sub>臣</sub>張經田

主事<sub>臣</sub>祁韻士覆勘

總校官知縣<sub>臣</sub>楊懋珩

校對官編修<sub>臣</sub>汪學金

謄錄監生<sub>臣</sub>黃春暉

欽定四庫全書

古今合璧事類備要別集卷一

宋 謝維新 撰

都邑門

帝都 附 建都 遷都 不苟遷

古今建都

帝都天子之居天子以四海為家豈有常居處哉惟其所在即以為都也故攷古以

宋伏羲都陳今陳州神農都曲阜今兗州黃帝都涿鹿今幽州或云都有熊今鄭少昊都窮桑在魯北頓

帝都高陽在周為衛地今濮陽縣帝營都亳一曰都高平今偃師免都平陽今晉州舜都蒲阪今蒲州禹

安邑在蒲州湯亳穀熟號南亳至仲丁遷囂或曰教  
今河南教倉河寧甲居相今相州祖乙居狀在河東  
即蒙號景亳及盤庚五遷復都亳之殷地即西亳也  
周文王都鄴武王都鎬今京兆界周公相成王以鄴  
鎬偏處西方土貢不均乃東營洛邑今東都建明堂  
朝諸侯復遷鄴鎬至幽王為犬戎所殺平王始東遷  
而居洛邑是為東周矣及敬王又遷成周今洛陽故  
都城終報王不遷秦都咸陽漢都長安迨光武中興  
都洛陽又於南陽置南都三國魏以長安譙許昌鄴  
洛陽為五都吳都鄴今武昌後遷建鄴今建康蜀都  
成都今府晉都洛陽至永嘉南都建康宋齊梁陳並  
居焉梁元帝及後梁蕭詧又別居江陵今府晉亂十  
六國又各建都邑隋都長安煬帝都洛陽唐復都長  
安五代梁都汴唐晉都洛陽漢周泊乎我宋又皆於  
汴今東京建都焉大哉汴京其我宋萬世帝王之業  
也雖中興暫駐吳會天開景運行遂回鑿予日望之

矣然天子之居不徒曰居而謂之都都之一字豈無  
意哉蓋言人所都會云爾不寧惟是以衆大而言則  
謂之京師以所至為家而言則謂之行在所謳歌者  
歸焉朝覲者往焉獄訟者之焉天命獨不在是乎或  
者謂立國以險否則以兵惡以為不在  
險亦不在兵惟願其君之德何如耳

### 事類冀方

惟彼陶唐有此一注堯都冀州統天下四方書五子之歌

### 中國

堯崩三年之喪

畢舜讓辟丹朱于南河之南諸侯朝覲者不之丹朱而  
之舜獄訟者不之丹朱而之舜謳歌者不謳歌丹朱而  
謳歌舜曰天也夫然後之一踐天子位焉注劉熙曰  
天子之位不可曠年於是遂反格于太祖而當帝位帝  
王所都為中故曰  
一史記舜紀  
**甸服** 五百里一為天子治田事去王城  
面五百里書禹貢又一  
一之內曰京師世紀  
**邦畿** 一千里維民所  
止聲域彼四海詩  
**縣內** 天子

之縣注——夏時  
天子所居州界名  
**地中**  
商邑翼翼四方之極注商邑京師也禮俗可則做乃四方之中

正詩  
殷武  
**商曰邑**  
夏——  
京師白虎通  
**周曰京**  
念彼周京念彼  
方

**千里**  
邦畿——  
子畿——  
禮盛行人又天  
**積百同**  
凡王畿內方

九百萬夫之  
地禮載師注  
**待諸侯**  
天子之地方千里不千里  
不足以——  
孟告子下  
**制萬國**

王者受命創始建國立都必居中土所以總天  
地之形據陰陽均統四方旁——  
五經要義  
**有和羹**

**鄉**  
崑崙東南方五千里謂之神州中——  
里五嶽之城帝王之宅聖人所生也王嬰古今通論

**有赤縣州**  
崑崙東南——  
苟非此土南則多暑北則多寒東則多陰故

聖人不處焉  
張衡靈志  
**諸夏根本**  
京師者——  
民勞詩注  
**千里邑號**  
京師

之虎通 **居岐之陽** 廣其鮮原 一 一 一 在渭之將 **在豐**

**之東** 豐邑在豐水之西 鎬京 一 一 一 周成王將營

卜 一 水 一 一 水 西 **峭左隴右** 夫關中左峭函右隴蜀沃

千里天府之 **天下之中** 唐人都河東商人都河內周人

足王者所更居也 建國 **關中之固** 始皇踐華為城因河

不測之淵以為固 天下已定自以為 一 一 一 雍土之

饒 大漢藉 一 一 一 得御外 **關中天府** 見前峭左

**帝城** 近臣後漢 **洛陽定都** 建武元年車駕入 一 一 一 南

古今金壁事類彙編卷之三

陽舊都

一也張平子南都賦

龍盤虎踞

孔明謂吳帝曰鍾山

石城一真帝王居也宋宇記

蠶叢魚鳧

一及一開國何莊然爾來四萬八千歲不與秦塞通

人煙李白蜀道難注一皆古蜀天子

輦轂之下

畿甸之間一有善必聞有惡必見

韓潮州

衣冠所聚

京師一出唐張九齡傳

命曰東都

五代梁太

祖以汴州為開封府一以故東都為西都後梁紀

乃建東京

後晉高祖以大梁舟車所會便

於漕運一於汴州復以汴州為開封府

復為東

京

後漢高祖至大梁一以汴州改國號曰漢本紀

詔展外城

後周世宗以大梁城中迫

隘一先立標幟令自今葬埋皆出所標之外其標內俟縣官分畫街衢倉場營廟之外聽民隨便築室



本紀顯  
德三年 詔復故河

本朝汴都仰給漕運故河渠最為急先是歲調丁夫開浚淤淺糶糧皆民

自備詔悉從官給遂著為式時建隆元年也至二年又詔陳承昭于京城之西夾汴河造斗門自滎陽鑿渠百

餘里引京索二水通城壕入斗門架流于汴東匯于五丈河以使東北漕運長編

移蹕臨安南

紹興元年詔以會稽漕運不繼言今國步多艱中原隔絕江淮之地尚有巨賊要當先

定駐蹕之地使疏令易通于川陝將兵順流而下漕運不至難阻至是遂定議中興繫年錄

建都建邦設都

明王奉若天道書說命上

建邦啟土

先王書武

城量地制域

凡造都邑其禮地官縣師

辨方正位

惟王建國

禮國經野設官分職以為民極禮天官

置都立邑

天下有記祭法

建國立家

師服曰吾聞國家之立也本大而末小是以能固故天子一諸侯一左成二年

匠人營國一  
一一方九里旁二門國中九經九緯經  
塗九軌左祖右社而朝後市禮冬官

### 量人造邑

掌建

國之法以分國為九州營國城郭營后  
宮量市朝道巷門渠一都一赤如之  
以測土深  
大司徒掌

建邦之土地之圖一土圭之法一  
正日景以求地中乃建王國焉禮地官  
以致日景  
土方

土圭一  
而建邦國都鄙禮夏官  
乃陟南岡  
于胥斯原既庶既

在原一  
旅既溥既長既果乃岡相其陰陽觀其流泉詩公劉  
繁陟則在嶽復降

大相東土  
周公拜手稽首曰云云予乃嗣保一  
其基作民明辟書洛誥又成王使名公先相

宅周公至洛興土營築謂之王城是為東都方千七百  
二十丈郭方十七里南繫于洛水北因于邙山以為天

下之所湊制為郊甸方六百里因西土為千里分為百縣縣為四都都有鄙曰此天下之中四方入貢道里均也周公又營成周成王居洛邑遷殷頑民于成周復還歸西都通鑑周紀

### 水象天漢

秦皇兼天下都

咸陽渭一貫都以一一橫

### 城為斗形

高祖七年修長安宮城惠帝元

帝初城長安城三年春發長安六百里內男女十四萬六千人三十日罷城高三丈五尺下閭一丈五六日發徒隸二萬人常役至五年復發十四萬五千人三十日乃罷九日城高三丈五尺下閭一丈五尺上閭九尺雉高三板周四六十五里城南為南斗形北為北斗形至今人呼漢京城為斗城是也

### 鑿龍首山

漢舊

儀曰長安城父老傳云盡一一土為之水泉深二十餘丈樹宜槐與榆松柏茂盛為城下有池周繞廣三大深二丈石橋各六丈與街相宜三輔黃圖

### 營龍首山

隋主嫌長安制度狹小詔創造新都於龍

首山以太子左庶子宇文愷有巧思領營新都副監通鑑陳宣帝紀

乃建東京

後晉高祖以大梁舟

車所會便於漕運

於汴州

遷都成湯八遷

自契至于商丘遷馬書肩征

盤庚五

遷

湯始居亳至仲丁遷于囂至河直甲遷于相祖乙遷于耿至盤庚復遷于亳從湯所都通鑑外紀

周

凡五遷

后稷始封于郃第三代公劉遷居于郃自此又九代古公直父而遷于岐是為豐水之西自此

又三代武王得天下遷都于郃是為豐水之東自此第十一代幽王為犬戎所殺而子平王遂遷都于洛邑是為東周又自十二代至敬王因王猛之亂乃遷于成是洛陽故都城也仰邠岐豐鄘京洛邑成周前後

漢凡一遷

西漢高帝得天下都長安至後

曹魏一遷

魏本都鄴文帝即位徙都洛陽通鑑魏文帝紀

### 孫吳再遷

吳始自公安徙都鄂更名鄂曰武昌至魏

太和三年遷都建鄴建業本楚邑曰金陵漢屬丹陽郡吳改今名後晉武帝恭始元年吳西陵督步闡表請吳王徙都武昌從之揚州之民沂流供給甚苦之然武昌土地危險堦確非王者之都且童謠云寧故建業水不食武昌魚寧遷建業死不止武昌居是年十二月遷都建業通鑑魏紀并晉紀

### 晉氏一遷

晉始得天

下都洛陽至永嘉南渡都建業先是元帝以宣帝魯孫琅琊王覲之子嗣封永嘉初以安東將軍都督揚州諸軍事鎮建業建興四年長安不守愍帝蒙塵王乃出師北征後愍帝遇害遂即位通鑑本紀

### 隋氏一

隋文帝始都長安至煬帝乃遷于洛陽先是隋主楊堅嫌長安城制度狹小又宮內多妖納吉蘇威勸遷

都帝以初受命難之夜與戚及高穎共建議乃詔穎等創造新都于龍首山至煬帝嗣位章仇大翼言于帝曰

陛下木命雍州為破木之衝不可久居又讖云脩治洛陽遷晉家帝深以為然十一月幸洛陽留晉王昭守長

安通鑑陳宣帝

紀隋文帝紀

不苟遷一旦示弱

晉溫嶠欲遷都豫章王導曰建康王者之宅且北寇伺我之隙

非良計通鑑成帝紀

百世為笑

唐高祖時或說上曰突厥屢寇關中者以子女玉帛在長安故也若

焚長安而不都則胡寇自息上以為然遣中書侍郎宇文士及踰南山至樊郡行可居之地將徙都之太子建成奔王元吉裴寂皆贊成其策蕭瑀等雖知其不可而不敢諫秦王世民諫曰戎狄為患自古有之陛下以聖武龍興光宅中夏精兵百萬所征無敵柰何以胡寇擾邊遷遷以避之貽四海之羞為百世之笑乎臣忝備藩維願假數年之期請繫頡利之頸致之闕下若其不效遷都未晚上善其言通鑑唐祖紀

賈誼過秦

# 論

秦孝公據殽函之固擁雍州之地君臣固守以窺周室有席卷天下包舉宇內囊括四海并包八荒之心當是時也商君佐之內立法度務耕織脩守戰之具外連衡而闢諸侯於是秦人拱手而取西河之外孝公既沒惠文武昭襄蒙故業因遺策南取漢中西舉巴蜀東割膏腴之地北收要害之郡諸侯恐懼會盟而謀弱秦不愛珍器重寶肥饒之地以致天下之士合從締交相與為一當此之時齊有孟嘗趙有平原楚有春申魏有信陵此四君者皆明智而忠信寬厚而愛人尊賢而重士約從離橫兼韓魏燕趙宋衛中山之衆於是六國之士有寧越徐尚蘇秦杜赫之屬為之謀齊明周最陳軫召滑樓緩翟景蘇厲樂毅之徒通其意吳起孫臏帶佗兒良王廖田忌廉頗趙奢之明制其兵嘗以什倍之地百萬之衆仰關而攻秦秦人開關而延敵九國之師遁逃而不取進秦無亡矢遺鏃之費而天下諸侯已困矣於是從散約解爭割地而賂秦秦有餘力而制其弊追

亡遂北伏尸百萬流血漂槽因利乘便宰制天下分裂山河強國請伏弱國入朝施及孝文王莊襄王享國之日淺國家無事及至始皇奮六世之餘烈振長策而御宇內吞二周而亡諸侯履至尊而制六合執敲朴以鞭笞天下威振四海南取百越之地以為桂林象郡百越之君俛首係頸委命下吏乃使蒙恬北築長城而守藩籬却匈奴七百餘里胡人不敢南下而牧馬士不敢彎弓而報怨於是廢先王之道焚百家之言以愚黔首墜名城殺豪俊收天下之兵聚之咸陽銷鋒鏃鑄以為金人十二以弱天下之民然後踐華為城因河為池據億丈之城臨不測之谿以為固良將勁弩守要害之處信臣精卒陳利兵而誰何天下已定始皇自以為關中之固金城千里子孫帝王萬世之業也始皇既沒餘威震于殊俗然而陳涉甕牖繩樞之子氓隸之人而遷徙之徒也材能不及中庸非有仲尼墨翟之賢陶朱猗頓之富躡足行伍之間僥起阡陌之中率疲散之卒將數百



之衆轉而攻秦斬木為兵揭竿為旗天下雲集而響應  
羸糧而景從山東豪俊遂並起而亡秦族矣且夫天下  
非小弱也雍州之地崑函之固自若也陳涉之位不尊  
於齊楚燕趙韓魏宋衛中山之君也鋤耰棘矜不銛于  
鈎戟長鎗也搆戍之衆非抗九國之師也深謀遠慮行  
軍用兵之道非及曩時之士也然而成敗異變功業相  
反試使山東之國與陳涉度長絜大比權量力則不可  
同年而語矣然秦以區區之地致萬衆之權招八州而  
朝同列百有餘年矣然後以六合為家崑函為宮一夫  
作難而七廟墮身死人手為天下笑者何也仁義不施  
而攻守之勢異也

### 婁敬入關議

婁敬齊人也漢五年成隴西過  
雒陽高帝在焉敬脫輓輅見齊

人虞將軍曰臣願見上言便宜虞將軍入言上上召見  
敬說曰陛下都雒陽豈欲與周室比隆哉上曰然敬曰  
陛下取天下與周異周之先自后稷克封之邠吐才積  
德累善十餘世公劉避桀居豳太王以狄伐故去豳杖

馬善去居岐國人爭歸之及文王為西伯斷虞芮訟始  
受命呂望伯夷自海濱來歸之武王伐紂不期而會孟  
津上八百諸侯逆滅殷成王即位周公之屬傅相焉迺  
營成周都雒以為此天下中諸侯四方納貢職道里均  
矣有德則易以王無德則易以亡凡居此者欲務以德  
致人不欲險阻令後世驕者以虐民也及周之衰分而  
為二天下莫朝周周不能制非德薄形勢弱也今陛下  
起豐沛收卒三千人卷蜀漢定三秦與項籍戰滎陽大  
戰七十小戰四十使天下之民肝腦塗地傷夷者未起  
而欲比隆成康之時臣竊以為不侔矣且秦地被山帶  
河四塞以為固秦之故資甚美膏腴之地此所謂天府  
夫與人鬪不據其亢拊其背未能全勝今陛下入關而  
都紫秦之故此亦據天下之亢而拊其背也上疑未能  
決及留侯明言入關便即日駕西都關中於是敬賜姓  
劉氏拜為郎中

班固兩都賦

序云或曰賦者古詩之流也昔成康沒而頌聲寢王

澤竭而詩不作大漢初定日不暇給至於武宣之世乃崇禮官考文章內設金馬石渠之署外興樂府協律之事以興廢繼絕潤色鴻業是以象庶說豫福應尤盛白麟赤鴈芝房寶鼎之歌薦於郊廟神雀五鳳甘露黃龍之瑞以為年紀故言語侍從之臣若司馬相如虞丘壽王東方朔枚臯王褒劉向之屬朝夕論思日月獻納而公卿大臣御史大夫兒寬太常孔臧大中大夫董仲舒宗正劉德太子太傅蕭望之等時時間作或以抒下情而通諷諭或以宣上德而畫忠孝雍容揄揚著於後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與三代同風且夫道有夷隆學有麤密因時而建德者不以遠近易則故臯陶歌虞奚斯頌魯同見采於孔氏列于詩書其義一也稽之上古則如彼考之漢室又如此斯事雖細然先臣之舊式國家之遺美不可闕也臣竊見海內清平朝廷無事京師修宮室浚城隍而起苑囿以備制度西土耆老咸

懷悲思莫上之賤顧而感稱長安舊制有陋雖邑之議  
故臣作兩都賦以極衆人之所眩曜折以今之法度其  
詞曰西都賦有西都賓問於東都主人曰蓋聞皇漢之  
初經營也嘗有意乎都河洛矣輟而弗康實用西遷作  
我上都主人聞其故而觀其制乎主人曰未也願賓摅  
懷舊之蓄念發思古之幽情博我以皇道弘我以漢京  
賓曰唯唯漢之西都在于雍州賓曰長安左據函谷二  
嶠之阻表以太華終南之山右界褒斜隴首之險帶以  
洪河涇渭之川衆流之隈汧涌其西華實之毛則九州  
之上腴焉防禦之阻則天地之隩區焉是故橫被六合  
三成帝畿周以龍興秦以虎視及至大漢受命而都之  
也仰悟東井之精俯協河圖之靈奉春建策留侯演成  
天人合應以發皇明乃眷西顧實惟作京於是睇秦嶺  
賦北阜扶漣灞據龍首圖皇基於億載度弘規而大起  
肇自高而終平世增飾以崇麗歷十二之延祚故窮奢  
而極侈建金城之萬雉呀周池而成淵披三條之廣路

立十二之通門內則街衢洞達間閭耳千九市開塲貨  
別隧分人不得顧車不得旋闕城溢郭旁流百厘紅塵  
四合煙雲相連於是既庶且富娛樂無疆都人士女殊  
異乎五方游士擬于公侯列肆侈于姬姜鄉曲豪舉遊  
使之雄節慕原嘗名亞春陵連交合衆騁驚乎其中若  
乃觀其四郊浮遊近縣則南望杜霸北眺五陵名都對  
郭邑居相承英俊之域絃冕所興冠蓋如雲七相五公  
與乎州郡之豪傑五都之貨殖三選七遷充奉陵邑蓋  
以強幹弱枝隆上都而觀萬國也封畿之內厥土千里連  
蹠諸夏兼其所有其陽則崇山隱天幽林穹谷陸海珍  
藏藍田美玉商洛綠其隈鄠戶杜濱其足源泉灌注陂  
池交屬竹林果園芳草甘木郊野之富號為近蜀其陰  
則冠以九峻陪以甘泉乃有靈宮起乎其中秦漢之所  
極觀淵雲之所頌歎於是乎存焉下有鄭白之沃衣食  
之源提封五萬疆場綺分溝塍刻鏤塲音亦塋音原隰  
龍鱗決渠降雨荷鍾成雲五穀垂穎桑麻鋪紫東郊則

有通溝大漕潰渭洞河汎舟山東控引淮湖與海通沃  
西郊則有上圓禁苑林麓蕪澤陂池連乎蜀漢綠以周  
牆四百餘里離宮別館三十六所神池靈沼往往而在  
其中乃有九真之麟大宛之馬黃支之犀條枝之烏踰  
崑崙越巨海殊方異類至于三萬里其宮室也體象乎  
天地經緯乎陰陽據坤靈之正位倣太紫之圓方樹中  
天之華闕豐冠山之朱堂因瓌材而究竒抗應龍之虹  
梁列勢棟以布翼倚棟椽而高驪雕玉瑱以居極裁金  
璧以飾璫發五色之渥彩光爛朗以景彰於是左城右  
平重軒三階閨房周通門閭洞開列鍾虞於中庭立金  
人於端闈仍增岨而銜閭臨峻路而啟扉徇以離宮別  
寢承以崇臺間館煥若列宿紫宮是環清涼宣溫神仙  
長年金華玉堂白虎麒麟區宇若茲不可殫論增盤崔  
嵬登降焰爛殊形詭制每各異觀乘茵步輦惟所息宴  
後宮則有掖庭椒房后妃之室合歡增城安處常寧葆  
若椒風披香發越蘭林蕙草鴛鴦鸞飛翔之列昭陽特威

隆于孝成屋不呈材墻不露形裹以藻繡絡以綸連隨  
俟明月錯落其間金釭銜壁是為列錢翡翠火齊流耀  
含英懸黎垂棘夜光在焉於是玄墀鈿砌玉階彤庭碩  
破綵緞琳珉青瑩珊瑚碧樹周阿而生紅羅颺纒綺組  
續紛精曜華燭俯仰如神後宮之號十有四位窈窕繁  
華更盛迭貴處乎斯列者蓋以百數左右庭中朝堂百  
寮之位蕭曹魏邴謀護乎其佐命則垂統輔翼則成  
化流大漢之愷悌蕩亡秦之毒螫故令斯人揚和樂之  
聲作畫一之歌功德著乎祖宗膏澤洽乎黎庶又有天  
祿石渠典籍之府命夫博誨故老名儒師傳講論乎六  
藝稽合乎同異又有承明金馬著作之庭大雅宏達于  
茲為羣元元本本殫見洽聞啟發篇章校理秘文周以  
鈎陳之位衛以嚴更之署總禮官之甲科羣百郡之庶  
孝虎賁緞衣閭尹閭寺陞戟百重各有典司周廡千列  
徵道綺錯輦路經營脩除飛閣未央而連桂宮北彌  
明光而亘長樂陵燈道而趨西墉棍建章而連外屬設

壁門之鳳闕上翬稜而棲金爵內則別風折嶠嶢峽乃正  
麗巧而聳擢張千門而立萬戶順陰陽以開闔爾乃正  
殿崔嵬層構厥高臨乎未央經駘蕩而出馭合蘇洞  
朽竒詰以與天梁上反宇以蓋戴激日景而納光神明  
鬱其特起遂偃蹇而上躋映雲雨於太半虹霓迴帶於  
赫燭雖輕迅與傑狡猶愕眙而不能階攀井幹而未半  
目眩轉而意迷建捨櫺檻而却倚若顛墜而復稽魂魄恍  
以失度巡迴塗而下低既憊懼於登望降周流以徬徨  
步甫道以縈紆又杳窳而不見陽排飛聞而上出若遊  
目于天表似無依而洋洋前唐中而後太液覽滄海之  
湯湯揚波濤於碣石激神岳之嶽嶽濫瀛洲與方壺蓬  
萊起乎中央於是靈艸冬榮神木叢生巖峻峭崿金石  
崢嶸抗仙掌以承露擢雙立之金莖軼埃壘之混濁鮮  
顛氣之清英騁文成之丕誕馳五利之所刑庶松喬之  
孱類時遊從乎斯庭寶列仙之攸館非吾人之所寧爾  
乃盛娛遊之壯觀奮秦武乎上園因茲以威戎夸狄權



威靈而講武事命荆州使起烏詔梁野而驅獸毛群內  
闡飛羽上覆接翼側足集禁林而屯聚水衡虞人修其  
營表種別羣分部曲有署果網連絃籠山絡野列卒周  
匝里羅雲布於是乘鸞輿備法駕帥羣臣披飛旆入苑  
門遂繞鄴鄗歷上蘭六師發逐百獸駭彈震震煖煖雷  
奔電激葦木塗地山淵反覆踈躡其十二三乃拗怒而  
少息爾乃期門伏飛列及鎖銀要蹶追蹤鳥驚觸絲獸  
駭值鋒機不虛持弦不再控矢不單殺中必疊雙颭颭  
披紛紛矰繳相纏風毛兩血灑野蔽天平原赤勇士厲  
獠狖失木射狼憚竄爾乃移師趨險並蹈潛穢窮虎奔  
突狂咒觸蹶許少施巧秦城力折制持僕狻扼猛噬脫  
角柱脰徒搏獨殺扶師豹拖熊曳犀臂頓囊羅趨洞  
壑越峻厓屢斲巖巨石頽松柏仆叢林推草木無餘禽  
獸殄夷於是天子乃登屬玉之館歷長楊之榭覽山川  
之體勢觀三軍之設獲原野蕭條目極四裔禽相鎮壓  
獸相枕藉然後收禽會衆論功賜胙陳輕騎以行魚騰

酒車以斟酌割鮮野食舉烽命爵饗賜畢勞逸奔大路  
鳴鑿容與徘徊集乎豫章之宇臨乎昆明之池左牽牛  
而右織女似雲漢之無涯茂樹蔭蔚芳草被隄蘭茝發  
色畦畦猗猗若摘錦與布繡蠟燭乎其陂鳥則玄鶴白  
鷺黃鸝鴝鵒鷓鴣鵲鵲兔鷲鴻鴈朝發河海夕宿江漢  
沉浮往來雲集霧散於是後宮乘輦輅登龍舟張鳳蓋  
建華旗祛黼帷鏡清流靡微風澗淡浮擢女謳鼓吹震  
真聲激越營宮呼厲天烏犀翔魚窺洞招白鷺下雙鷓揄  
文竿出比目撫鴻暈御矰繳方舟並驚佗仰極樂遂乃  
風舉雲搖浮游溥覽前乘秦嶺後越九峻東薄河華西  
涉岐雍宮館所歷百有餘區行所朝夕儲不改供禮上  
下而接山川究休祐之所用采游童之權蠶第從臣之  
嘉頌于斯之時都都相望邑邑相屬國籍十世之基家  
承百年之業士食舊德之名氏農服先疇之畎畝商修  
放世之所需工用高曾之規矩聚乎隱隱各得其所若  
臣者徒觀迹于舊墟聞之乎故老十分未得其一端故

不能偏舉也東都賦東都主人喟然而數曰痛乎風俗  
之移人也子竇秦人矜夸館室保界河山信讖昭襄而  
知始皇矣惡觀大漢之云為乎夫大漢之開元也奮布  
衣以登皇極繇數朞而創萬代蓋六籍所不能談前聖  
靡得而言焉當此之時功有橫而當天討有逆而順民  
故婁敬度執而獻其說蕭公權宜而拓其制時豈泰而  
安之哉計不得以己也吾子曾不是睹顧耀後嗣之末  
造不亦闇乎今將語子以建武之治永平之事監乎秦  
清以變子之惑志往者王莽作逆漢祚中缺天人致誅  
六合相滅于時之亂生民幾亡鬼神泯絕壑無完樞邪  
罔遺室原野厥人之肉川谷流人之血秦項之災猶不  
克半書契以來未之或紀故下人號而上訴上帝懷而  
降監乃致命乎聖皇於是聖皇乃握乾符闡坤珍披皇  
圖稽帝文赫然發憤應若興雲震擊昆陽憑怒雷震真  
遂起大河跨北嶽立號高邑建都河洛紹百王之荒屯  
因造化之盪滌體元立制繼天而作系唐統接漢緒茂

育羣生恢復疆宇勲兼乎在昔事勤乎三五豈特方軌  
並迹紛綸后辟治近古之所務蹈一聖之險易云爾哉且  
夫建武之元天地革命四海之內更造夫婦靡有父子  
君臣初建人倫寶始斯乃忘義氏之所以基皇德也分  
州土立市朝作舟車造器械斯迺軒轅氏之所以開帝  
功也襲行天罰應天順人斯乃湯武之所以昭王業也  
遷都改邑有殷宗中興之則焉即土之中有周成隆平  
之制焉不階尺土一人之柄同符乎高祖克己復禮以  
奉終始允恭乎孝文憲章稽古封岱勤成儀炳乎世宗  
業大經而校德眇古昔而論功仁聖之事既該而帝王  
之道備矣至于永平之際重熙而累洽盛三雍之上儀  
修衮龍之法服鋪鴻藻信中景鏢揚世廟正雅樂神人  
之和允洽君臣之序既肅迺動大輅遵皇衢省方巡狩  
窮覽萬國之有無考聲教之所被敬皇明以燭幽然後  
增周舊修洛邑扇巍巍顯翼翼光漢京于諸夏總八方  
而為之極是以皇城之內宮室光明闕庭神麗翬不可

踰險不能侈外則因原野以作苑填流泉而為沼發蘋  
藻以潛魚豐國草以毓獸制同乎梁鄒詎合乎靈固若  
乃順時節而蒐狩簡車徒以講武則必臨之以王制考  
之以風雅歷騎虞覽駟鐵嘉車攻采吉日禮官整儀乘  
輿乃出於是發鯨魚銜華鐘登玉路乘時龍鳳蓋苓麗  
和鑿玲瓏天官累從寢威盛容山靈護野屬御方神兩  
師汎灑風伯清塵千乘雷起萬騎紛紜元戎竟野戈鋌  
芟雲羽旄掃霓旌旗拂天焱焱炎揚光飛文吐爛生  
風欽野歎山日月為之奪明丘陵為之搖震真遂集乎  
中國陳師案屯駢部曲列校隊勒三軍誓將帥然後舉  
烽伐鼓申命三驅輜車霆發驍騎電驚由基發射范氏  
施御弦不眠禽鸞不詭遇飛者未及翔走者不及去指  
顧倏忽獲車已資樂不極般殺不盡物馬踧餘足士怒  
未溱先驅復路屬車繁節於是薦三犧效五牲禮神祇  
懷百靈御明堂臨辟雍揚緝熙宣皇風登靈臺考休徵  
俯仰乎乾坤參象乎聖躬日中夏而布德瞰四裔而抗

稜西溢河源東澹海潛北動幽崖南耀朱垠珠方別區  
界絕而不鄰自孝武之所不征孝宣之所未臣莫不陸  
警水慄奔走而來賓遂綏哀牢開永昌春王三朝會同  
漢京是日也天子受四海之圖籍膺萬國之貢珍內撫  
諸夏外綏八蠻爾廼盛禮興樂供帳置乎雲龍之庭陳  
百條而贊犀后宛皇儀而展帝容於是庭實千品旨酒  
萬鍾列金罍班玉觴嘉珍御太牢饗爾乃食舉雍徽太  
師奏樂陳金石布絲竹鐘鼓鏗鉤管絃瑟煜抗五聲極  
六律歌九功舞八佾韶武備泰古畢四夷問奏德廣所  
及禁禁休賁兜離罔不具集萬樂備百禮暨皇歡決羣  
臣醉降烟燭調元氣然後撞鍾告罷百條遂退於是聖  
上親萬方之歡娛又沐浴乎青澤懼其侈心之將萌而  
忘於東作也迺申舊章下明詔命有司班憲度昭節儉示  
太素去後宮之麗飾損乘輿之服御除工商之淫業興  
農桑之盛務遂令海內素末而反本背偽而歸真女脩  
織社男務耕耘器用陶匏服尚素玄耻織靡而不服賤

奇麗而不珍捐金於山沉珠於淵於是百姓潯取盪穢  
而鏡至清形神寂寞耳目不營嗜慾之源減庶恥之心  
生莫不優游而自得玉潤而金聲是以四海之內學校  
如林庠序盈門獻酬交錯俎豆莘莘下舞上歌蹈德誅  
仁登降飲宴之禮既畢因相與嗟歎立德謹言弘說咸  
舍和而吐氣頌曰盛哉乎斯世今論者但知誦虞夏之  
書詠殷周之詩講義文之易論孔氏之春秋罕能精古  
今之清濁究漢德之所由唯子頗識舊典又徒馳騁乎  
末流溫故知新已難而知德者鮮矣且夫僻界西戎險  
阻四塞脩其防禦孰與處乎土中平夷河達萬方輻湊  
秦嶺九峻涇渭之川曷若四瀆五嶽帶河沂洛圖書之  
淵建章甘泉館御列仙孰與靈臺明堂統和天人太液  
昆明鳥獸之園曷若辟雍海流道德之富游使踰侈犯  
義侵禮孰與同履法度翼翼濟濟也子徒習秦阿房之造  
天而不知京洛之有制識函谷之可闕而不知王者之  
無外也主人之辭未終西都賓矍然失容逡巡降階抹然

意下捧手欲辭主人曰復位今將授子五篇之詩賓既  
卒業乃稱曰美哉乎斯詩義正乎揚雄事實乎相如匪  
唯主人之好學蓋乃遭遇乎斯時小子狂簡不知所裁  
既聞正道請終身而誦之其詩曰明堂詩於昭明堂明  
堂孔陽聖祖宗祀穆穆煌煌上帝宴饗五位時序誰其  
配之世祖光武善天率土各以其職猗與緝熙允懷多  
福辟雍詩迺流辟雍辟雍湯湯聖皇蒞止造舟為梁儲  
儲國老乃父乃兄抑抑威儀孝友光明於赫太上示我  
漢行洪化惟神永觀厥成靈臺詩迺經靈臺靈臺既崇  
帝勤時登爰考休徵三光宣精五行布序習習祥風祁  
祁甘雨百穀蓊蓊荼蓏草蕃廡屢惟豐年於皇樂胥寶鼎  
詩嵌修貢子川效珍吐金景子敲浮雲狀雲出狀雲反祀寶鼎  
見兮色紛緇煥其炳子被龍文登祖廟子享聖神昭靈  
德兮彌億年白雉詩啟靈篇兮披瑞圖獲白雉兮效素  
烏嘉祥阜兮集皇都發皓羽兮奮翹英容絜朗  
子於淳精彰皇德子倬周成永延長兮膺天慶

左思三



都賦

序云蓋詩有六義焉其二曰賦揚雄曰詩人之賦麗以則班固曰賦者古詩之流也先王採焉以觀

土風見綠竹猗猗則知衡地淇澳之產見在其板屋則知秦地西戎之宅故能居然而辨八方然相如賦上林而引盧橘夏熟揚雄賦甘泉而陳玉樹青蔥班固賦西都而歎以出比目張衡賦西京而述以游海若假稱珍恠以為潤色若斯之類匪啻于茲考之果木則生非其壞枝之神物則出非其所於辭則易為藻飾於義則虛而無徵且夫玉卮無當雖寶非用侈言無驗雖麗非經而論者莫不詆訐其研精作者大抵舉為憲章積習生常有自來矣余既思摹二京而賦三都其山川城邑則稽之地圖鳥獸草木則驗之方志風謡歌舞各附其俗魁梧長者莫非其舊何者發言為詩者詠其所志也升高能賦者頌其所見也美物者責依其本讚事者宜本其實匪本匪實覽者奚信且夫任土作貢虞書所著辨物居方周易所慎聊舉其一隅攝其體統歸諸訓詁焉

蜀都賦有西蜀公子者言於東吳王孫曰蓋聞天以日月為網地以四海為紀九土星分萬國錯峙峻函有帝皇之宅河洛為王者之里吾子豈亦魯聞蜀都之事與請為左右揚摧而陳之夫蜀都者蓋兆基於上世開國於中古廓靈闕而為門包玉壘而為宇帶二江之雙流抗峨眉之重阻水陸所湊兼六合而交會焉豐蔚所盛茂八區而蒼藹焉於前則跨躡犍牂枕軒交趾經途所亘五千餘里山阜相屬含谿懷谷罔巒糾紛觸石吐雲蔚益汾蓋溫以翠微崖巍巍以莪莪干青霄而秀出舒丹氣以為霞龍池瀉翻瀑觴澗岷其隈漏江伏流漬其阿汨若湯谷之揚濤沛若濛汜之涌波於是乎邛竹綠嶺茵桂臨崖旁挺龍目側生荔枝布綠葉之萋萋結朱實之離離迎隆冬而不凋常晷晷而猗猗孔翠羣翔犀象競馳白雉朝雛猩猩夜啼金馬騁光而絕景碧雞儵忽而曜俄火井沈熒於幽泉高欄飛煽於天垂其間則有琥珀丹青江珠瑕英金沙銀鏤應符采彪炳暉麗灼

燦於後則却背華容北指崑崙緣以劍閣阻以石門流  
漢湯湯驚浪雷奔望之天迴卽之雲昏水物殊品鱗介  
異族或藏蛟螭或隱碧玉嘉魚出于丙穴良木攢于襄  
谷其樹則有木蘭榎桂杞櫛椅桐榎材卽栝枅槲榔  
枌幽藹於谷底松栢蒼蔚於山峯擢修幹竦長條扇飛  
雲拂輕霄義和假道於峻岐陽烏迴翼乎高標巢居栖  
翔聿兼鄧林穴宅奇獸窠宿異禽熊羆咆其陽鷓鴣  
其陰獲狢騰希而競捷虎豹長嘯而永吟於東則左轅  
巴中百濮所充外負銅梁於宕渠內亟要害於膏肓其  
中則有巴菽巴戟靈壽桃枝樊以蘊租圃賓以鹽池蝻  
澗峽山棲龜龜水處潛龍蟠於沮澤應鳴鼓而興雨丹  
砂葩熾出其坂窰房郁毓被其阜山園道土采而得道  
赤斧詰仙服而不朽若乃剛悍生其方風謠尚其武奮  
之則寶叢旅翫之則渝舞銳氣剽於中葉踰容世於樂  
府於西則右挾岷山湯瀆發川陪以白狼夷歌成章桐  
野草昧林麓黝於露叔交讓所植蹲鳩所伏百藥灌叢

寒卉冬馥異類衆夥于何不肖其中則有青珠黃環碧  
碧芒消或豐綠莫或蓄丹椒蘼蕪布浚于中阿風連蓮  
或餘蔓于蘭皋紅葩紫飾柯葉漸芭敷葉葳蕤落英飄颻  
神農是書盧跗跗上古人醫是料柳芳迨氣邪味蠲癘  
痛其封域之內則有原隰墳行通望彌博演以潛沫浸  
以絲洛溝洫脉散疆里綺錯黍稷油油稷稻莫莫指渠  
口以為雲門洒漉池而為陸澤雖星畢之滂沱尚未齊  
其膏液爾乃邑居隱賑忍夾江傍山棟宇相望桑梓接  
連家有鹽泉之井戶有橘柚之園其園則有林檎枇杷  
橙柿棗印棹亭楓斯桃涵列梅李羅生百果甲宅結異  
色同榮朱櫻春熟素黍夏成若乃大火流涼風厲刊白  
露凝微霜結紫梨津潤榛栗罅發蒲桃亂瀆石榴競裂  
甘至自零芬芳酷烈其國則有蒟芋芋俱弱菜莢瓜疇芋區  
甘蔗辛薑陽蔭陰敷日往菲薇月來扶疎任土所麗衆  
獻而儲其沃瀛則有攢蔣葦蒲綠菱紅蓮雜以蘊藻  
糲以蘋蘩摠莖柅柅裏范葉蒸蒸黃實時味王公羞焉

其中則有鴻鸞鶴侶，鷺鷥鶴鷓，晨鳧且至，候鴈銜蘆木  
落南翔水泮，北徂雲飛水宿，弄吃清渠，其深則有白鳧  
命鸞玄獺，上祭鱸鮪，鱗鮓鮮鱧，鱠差鱗次，色錦質銀  
章，躍濤戲瀨，中流相忘，於是乎金城石柳，兼市中區，既  
麗且崇，寶號成都，關二九之通門，畫方軌之廣塗，營新  
宮於奕塏，擬承明而起廬，結陽城之延閣，飛觀榭乎雲  
中，開高軒以臨山，列綺窗而瞰江，內則議殿爵堂，武義  
虎威，宣化之闈，崇禮之闈，華閭雙邀，重門洞開，金鋪交  
映，玉題相暉，外則軌躅八達，里閭對出，比屋連甍，千廡  
萬室，亦有甲第當衢，向街壇宇，顯敞高門，納駟庭扣鍾  
磬，堂撫琴瑟，匪葛匪姜，疇能是恤，亞以小城，接乎其西  
市廛所會，萬商之淵，列陞百重，羅肆巨千，甬貨山積，織  
麗星繁，都人士女，衽服靚粧，賈貿端也，貯鸞舄，錯縱異  
物，詭譎奇于八方，布有種華，麩有枕柳，印杖傳節于大  
夏之邑，葑醬流味于菑，尚之鄉輿，輦雜齒冠，帶混并累  
數疊，跡叛衍相傾，謹誦鼎沸，則龍江聒宇宙，蹠塵張天

則埃瑳曜靈闌開之裛技巧之家百室離房機杼相和  
貝錦斐成濯色江波黃潤比苧蕭金所過侈侈隆富卓  
鄭埒名公擅山川貨殖私庭藏鏗巨萬鈞昔撰曰木為  
裂碑為兼呈亦以財雄翕習邊城三蜀之豪時來時往  
養交鄰邑結儔附黨劇談戲詆脫抵掌出則連騎歸  
從百兩若其舊俗終冬始春吉日良辰置酒高堂以御  
嘉賓金雲中坐肴核四陳觴以清醪治鮮以紫鱗羽爵  
執繞絲竹乃發巴姬彈弦漢女擊節起西音於促柱歌  
江上之輒屬紆長袖而屢舞翩躚以奇奇合樽促席  
引滿相罰樂飲今夕一醉累月若夫王孫之屬卻公之  
倫從翕于外巷无居人並乘驥子俱取魚文玄黃異枝  
結駟續紛西踰金隄東越玉津朔別期晦匪日匪旬釐  
蹈蒙籠涉躡寥廓鷹犬倏呻爵羅絡幕毛羣陸離羽族  
紛泊翕響揮霍中網林薄屠麋剪旄塵帶文蛇跨雕  
虎志未駟時欲晚追輕翼赴絕遠入彭門之闕馳九折  
之坂經三峽之崢嶸躡五岷之蹇澹載食鐵之獸射噬

毒之鹿島。龜岷於萋草。彈言鳥於森木。拔象齒。度繼犀。  
角鳥。銀翮。獸廢足。殆而竭。來相與。第如滇池。集乎江洲。  
試水客。艤輕舟。娉江婁。與神游。翬翡翠。釣鯉鮪。下高鵠。  
出潛蚪。吹洞簫。發擢謳。感鱣。弄魚動。陽侯騰。波涕涌。珠  
貝汎。浮若雲。漢含星。而光耀。洪流將饗。繚劬者。張帝幕。  
會平原。酌清醕。剖芳鮮。飲御酣。賓旅旋。車馬雷。駭轟轟。  
闌闌若風流。雨散漫。乎數百里之間。斯蓋宅土之所安。  
樂觀聽之所踊躍也。馬獨三川為世朝市。若乃卓犖奇  
譎。傲侔罔已。一經神怪。一緯人理。遠則岷山之精。上為  
井絡。天帝運期。而會昌景福。躬靈而興。作碧出菴。弘之  
血鳥。生杜宇之鬼。妄變化於非常。嗟見偉於曠。昔近作  
江漢炳靈。世載其英。蔚若相如。嶠若君平。王褒。曄。蹇。而  
秀發。揚雄。含章。而挺生。幽思絢道。德摛藻。揆天庭。考四  
海。而為雋。當中葉。而擅名。是故游談者。以為鑿造。作者  
以為程也。至乎臨谷。為塞。因山。為障。峻咀。滕埒。長城。豁  
險。吞若巨防。一人守隘。萬夫莫向。公孫躍馬。而稱帝。劉

宗下輦而白王由此言之天下孰尚故雖兼諸夏之富有猶未若茲都之无量也吳都賦東吳王孫鞬然而台曰夫上國景宿辨于天文者也下料物土析於地理者也古先帝世曾覽八紘之洪緒一六合而尤宅翔集選宇鳥策篆素玉牒石記烏聞梁岷有陟方之館行宮之基拔而吾子言蜀都之富禹同之有偉其區域美其林藪矜巴漢之阻則以為襲險之右徇踣鷗之沃則以為世濟陽九鯷齷而箕固亦曲士之所歎也旁魄博而論都邑抑非大人之所壯觀也何則土壤不足以攝生山川不足以周衛公孫園之而破諸葛家之而滅茲乃喪亂之丘墟顛覆之軌轍安可以儻王公而著風烈也訖其碩礫而不窺玉淵者未知驪龍之所蟠也習其敝邑而不覲上邦者未知英雄之所躡也子獨未聞大吳之巨麗乎且有吳之開國也造自太伯宣於延陵蓋端委之所彰高節之所興建至德而創洪業世无德而顯稱由克讓以立風輕脫躡於千乘若率土而論却而非列





上湛淡羽儀隨波參差理翮整翰容與自玩彫琢  
刷蕩漪瀾魚鳥聳幽魚乙魚萬物蠢生芒芒點點  
罔奄歛妙神化翕忽函幽育明窮性極形盈虛自  
蛤珠胎與月虧全巨鼇嶺備履許首冠去靈山大  
翻翼若垂天振盪汪流雷抃重淵殷上動宇宙胡可  
源嶼嶺繇邈洲渚憑隆曠瞻遐遞迥眺冥蒙珍怪麗  
隙充徑路絕風雲通紅桃屈盤丹桂灌叢瓊枝抗莖而  
敷葉珊瑚幽茂而玲瓏層岡重阻列真之宇玉堂對雷  
石室相距搗搗翠幄嫋嫋素女江婁於是往來海童於  
是宴語斯實神妙之響象嗟難得而視魯縷爾乃地勢  
峽阻鳥北點卉木妖鳥邁遭藪為園值林為苑異荇華莖  
孰籟有夏畦冬積方志所辨中州所羨草則藿藟豆寇  
薑藁非一江離之屬海苔之類綸闕組紫絳食芻香茅  
僕石帆水松東風扶留布蕙華澤蟬聯陵丘賁綠山岳  
之岳罩歷江海之流杙白蒂街朱蕤鬱兮菴茂畦子菲  
菲光色炫晃芬馥彤璽織貢納其包匭離騷詠其宿莽

木則楓柳豫章枅柎俱古檉絲枳杞樞大榷楨榿平仲  
君逸松梓古度楠榴之木相思之樹宗生高岡族茂幽  
阜隹本千尋垂蔭萬畝撤柯架莖重葩晚葉輪困虬端  
塹楚塹除鱗接榮色雜探綱繆綉宵露霏霽旭日曉  
感時對與風颺颺洋颺於瀏上颺颺鳴條律暢飛音響  
亮蓋象琴筑并奏笙竽俱唱其上則有猿父哀吟彈胡  
子長嘯狖鼯探然騰越飛超小爭棘接乘競遊速枝  
驚透沸亂牢落輦散其下則有象羊麋狼狽猢猻象於  
菟之族屏兕之黨鈎爪鋸牙自成鋒穎精若曜星聲若  
雷霆名載于山經形鏤于夏鼎其竹則簣蓄林蔕桂箭  
射筒柚由梧有篁篁妙於箒勞有叢芭筍抽節往往縈結  
綠葉翠莖冒霜停雪楠六所蠹蓄森萃筍並蕭瑟檀樂  
嬋娟玉潤碧鮮梢雲無以踰嶰谷弗能連驚鷺食其實  
鵝鶻擾其間其果則丹橘餘甘荔枝之林檎柳無柯柳  
葉無蔭龍眼椒欖市榴樂霜結根比景之陰列挺衡  
山之陽素花斐丹秀芳臨青壁係紫房鷓鴣南翥而中

留孔雀絳

會祖

羽而翱翔山雞歸飛而來棲翡翠列巢以

重行其琛賂則琬瑤之阜銅錯之垠火齊之寶駭難之

珍頰丹明璣金華銀橫紫貝流黃縹碧素玉隱賑忍藏

鳥囊懷

雜插幽屏

必

精曜潛穎碧

列

陵

直

山谷

碕

直

岸

為之不枯林采為之潤蹟隨侯於是鄙其夜光宋玉于

是陋其結綠其荒陬講詭則有龍穴內蒸雲雨所儲陵

鯉若獸浮石若桴雙則比目片則王餘窮陸飲木極沈

水居泉室潛織而卷銷淵客慷慨而泣珠開比戶以向

日齊南冥于幽都其四野則吟嘷無數膏腴兼倍原

隰殊品宏隆異等以却象耕鳥耘此之自與改稱角秀菰

穗于是乎在煮海為鹽採山鑄錢國稅再熟之稻卿貢

八蠶之絲徒觀其郊隧之內與都邑之綱紀霸王之所

根柢開國之所基趾郭郭周匝重城結隅通門二八水

道陸衢所以經始用累千祀也憲紫宮以營室廓廣庭

之漫漫寒暑隔閏於邃宇虹霓迴帶于雲館所以跨時

煥炳萬里也造姑蘇之高臺臨四遠而特建帶朝夕之

瀟池佩長洲之茂苑窺東山之府則瓌寶溢目觀文海  
陵之倉則紅粟流衍起寢廟于武昌作離宮于建業闡  
闡閭之所營采夫差之遺法抗神龍之華殿施榮楬而  
捷獵崇臨海之雀鬼飾赤烏之暉暉東西膠轄南北崢  
嶸房櫳對橫連閣相經闔閭謁詭異出奇名左稱粵琦  
右號臨硯雕樂鏤紫青瓊丹楹圍以雲氣畫以仙靈雖  
茲宅之誇麗曾未足以少寧思比屋於傾宮畢結瑤而  
構瓊高闈有閔洞門方軌朱闕雙立馳道如砥樹以青  
槐亘以綠水玄蔭耽耽清流壺壺列寺七里扶棟陽路  
屯管櫛比解署慕布橫塘查下邑窟隆夸駘長干延屬  
飛甍舛互其居則有高門鼎貴魁岸豪傑虞魏之昆顧  
陸之裔岐嶷繼體老成奕世躍馬疊跡朱輪累轍陳兵  
而歸蘭綺武庫內設冠蓋雲蔭閭閻闕噓其隣則有任俠  
之靡輕紗同紗之客締交翩翩儼從去弈弈出躡珠履動  
以千百里讌巷故飛觴舉白翹闊扛鼎拊射壺博鄱陽  
暴蹶中酒而作於是樂只行而歡餞無遺都輦殿而四



黑齒之酋金隣象郡之渠必駭 許 通 香 商鞅雪驚捷  
先區前途俞騎騁路指南司方出車鞞鞞 檣被練鏘鏘  
吳王乃中玉輅輶驕驕旗魚須常重光攝烏號佩干將  
羽毛揚鞞雄戟耀銍貝宵象弭織文鳥章六軍鈞服四  
騏龍駉峭格周施墨爵善張單罕瑣結毘蹠連綱法以  
九疑禦以沅湘輶軒夢擾殺騎焯煌袒褐徒搏拔距投  
石之部獲臂駢脅狂趨子 獷 猛 狃 鷹鷂視參譚粗  
勃擢徒 若離若合者相與騰躍乎莽震之野干鹵父珠  
鋌蟬鳴夷勃虛之旅長殺野 短兵直髮馳騁僕佻弛 坐  
涉並銜杖無聲悠悠旆旌者相與聊浪郎乎昧莫之垠  
鉦鼓疊山火烈燧遙 林飛燭浮煙載霞載陰菴營 攝雷  
琅郎前強 弛岑鳥不擇木獸不擇音暴虺甘 虺式 頰司  
廉麋鷲六駭追飛生彈驚輪射孫徒 反白 雉落黑鴉零  
陵絕嶠索 嶠嶠 幸越嶠 峻趾救 踰竹栢連 緣社 杞柗  
占封掃匪 菴呼 神螭掩剛鏗 潤霜及 染於是弭節頓轡  
齊鑣駐蹕徘徊倘佯寓日幽蔚覽將帥之拳勇與士卒

之抑揚羽族以背距為刀鉞救毛羣以齒角為矛鉞

器池

忽倉

惹

葉

皆體若器池而應卒忽倉所以挂抱結而為創痛衝碎惹而

斷筋骨莫不血大女銳挫銚拉押毗摧藏雖有石林之岸  
曠岬頷請據臂而靡之雖有雄虺之九首將抗足以趾

之顛覆巢居剖破窟宅仰攀鵠鶴俯蹴豺獫阿刮劫刮  
几熊羆之室剝上掠虎豹之落程程啼而就擒萬萬排排

笑而被格屠巴地出象豁斬鵬翼掩廣澤輕禽狡獸周  
章夷猶狼跋乎紉中忘其所以眩舛賜適失其所以去

就蒐祗氣憊而自踴唐跌北滿者應弦而飲羽形儻景僵  
者累積而增益雜襲錯繆傾藪薄倒岬岫巖穴無豸

縱翳蒼無鷹鸞力切思假道于豐隆披重霄而高狩籠  
烏兔於日月窮飛走之棲宿懈澗闌入岡岵童罽罽罽

效獲衆終迴靶乎行既觀漁乎三江汎舟航于彭蠡  
渾故萬艘而既同弘舸連舳巨檻接艦飛雲蓋海制非  
常模疊華樓而巽峙時鬐鬐於方壺比鷗首之有裕邁  
餘艗于往初張組帷構流蘇開軒幌鏡水區萬工楫師



選自閩禺習御長風狎說靈胥千里於寸陰聊先期  
而須臾權詎唱蕭籟鳴洪流響渚禽驚弋磻放稽鶴鳴  
虞機發留鵠鵠鈞餌縱橫網罟接緒銜兼唐公巧傾任  
父筌鉅巨鱸鱸買所鱸鱸軍兩紆窠鱸鰕來鱸龜鼉同  
眾孤共羅沈虎潛鹿弔繫龍龍侶侶來來傲傲暉暉鯨背中于  
羣鎔古撓撓搶撓暴出而相屬雖復臨河而釣鯉無異射鮒  
于井谷結輕舟而競逐迎潮水而振絡想萍實之復形  
訪靈變于鮫人精衛銜石而遇繳文蠶夜飛而觸綸北  
山亡其翔翼西海失其游鱗雕題之士鍊身之卒比飾  
虬龍蛟螭與對簡其華噴則亂亂意意費費巴巴錦錦績績會會料料速速其  
虬勇則鷗悍狼戾相與昧潛險披瓌奇摸螭螭捫捫蛄蛄蟪  
鳩鳩携携剖剖巨巨蚌蚌于回淵濯明月于漣漪畢天下之至異訖  
無索而不臻索谿谿聖為之一整川瀆為之中中去去貧貧晒晒滄滄臺  
之見謀聊襲海而徇珍載漢女于後舟追晉賈而同塵  
汨汨乘流以碎碎善善宕宕翼翼颺風之颺颺直街濤而上瀨  
常沛沛以悠悠悠悠乞乞虛虛可休而凱歸揮天吳與陽侯指包

山而為期集洞庭而淹留數軍實乎桂林之苑饗戎旅  
乎落星之樓置酒若淮泗積肴若山丘飛輕軒而酌綠  
醪方雙轡而賦珍羞飲烽起酌暉子鼓震真士遺倦衆懷  
忻幸乎館娃之宮張女樂而娛羣臣羅金石與絲竹若  
鈞天之下陳登東歌操南音盾陽阿詠棘任荆豔楚舞  
吳愉越吟翕習容裔靡靡惜惜若此者與夫唱和之隆  
響動鐘磬之鏗肱有殷坻頽于前曲度難勝皆與謠俗  
什協律呂相應其奏樂也則木石潤色其吐哀也則淒  
風暴興或超延露而駕辯或踰綠水而採菱軍馬弭鬣  
而仰秣淵魚竦鱗而上升酣濟半八音并歡情留良辰  
征魯陽揮戈而高麾迴曜靈于太清將轉西日而再中  
齊既往之精誠昔者夏后氏朝羣臣於茲土而執玉帛  
者以萬國蓋亦先王之所高會而四方之所軌則春秋  
之際要盟之主閭閻申其戚夫差窮其武內果伍員之  
謀外聘孫子之奇勝彊楚于柏舉棲勁越于會稽闕掘  
溝乎高魯爭長於黃池以江湖險陔秘物產殷充饒雷

未足言其固鄭白未足語其豐士有陷堅之銳俗有節  
概之風雖賣眈眈此則托劍喑廢鳴故則彎弓擁之者龍  
騰據之若虎視虜城若振槁寡旗若顧指雖帶甲一朝  
而元功遠致雖累葉百疊而富強相繼樂濟衍其方域  
列仙集其土地桂父練形而易色赤須蟬蛻而附麗中  
夏比馬畢世罕見丹青圖其象珍瑋貴其寶利也辭禹  
游焉沒齒而志歸精靈留其山阿說其奇麗剖判庶士  
商摧萬俗國有鬱鞅而顯敵邦有秋子阮鳥而踉躅伊  
茲都之函弘傾神州而飄橫仰南斗以斟酌兼二儀之  
優渥由此而揆之西蜀之干東吳小大之相絕也亦猶  
棘林螢燿而與夫柎枯疏屬也庸可共世而論巨細同年  
之懸解而與夫桎梏疏屬也庸可共世而論巨細同年  
而議豐確乎暨其幽遐獨遠元廓閑與耳目之所不該  
足趾之所不蹈倜儻之極異謳說之殊事藏理于終古  
而未寤於前覺也若吾子之所傳孟浪之遺言略舉其  
梗概而未得其要妙也魏都賦魏國先生有辟其容乃

盱衡而誥曰异乎交益之士蓋音有楚夏者土風之乖也情有險易者習俗之殊也雖則生常固非自得之謂也昔市南宜僚弄丸而兩家之難解聊為吾子復說德音以釋二客競于辯囿也夫秦極剖判造化權與體兼晝夜理包清濁流而為江海結而為山岳列宿分其野荒裔帶其隅巖岡潭淵限蠻隔夷峻危之窻也蠻陬夷落譯導而通者鳥獸之氓也正位居體者以中夏為狴舌不以邊陲為襟帶也長世字吐者以道德為藩不以巖險為屏也而子大夫之賢尚弗曾庶翼等咸附麗皇極思稟正朔樂率貢職而徒務於詭隨匪民宴安於絕域榮其文身驕其險棘繆默語之常倫牽膠言而踰侈飾垂離以矜然假倔強而攘臂非醇粹之方壯謀踳駘於王義孰愈尋靡萍于中遠造沫猴于棘刺劍閭雖崧甍之者蹶非所以深根固蒂也洞庭雖瀋員之者北非所以愛人治國也彼桑榆之木光踰長庚之初暉况河冀之英塏與江介之湫澗故將語子以神州之略赤縣



交泰而烟燭嘉祥微顯而豫作是以兆朕振古萌祇帝  
時昔歲氣織緯閔象竹帛逾時世而淵默應期運而光  
赫暨聖武之龍飛聲受命而光宅爰初自臻言占其良  
謀適謀筮亦既允臧脩其郭郭繕其城隍經始之制牢  
籠百王畫豫雍之居馮八都之宇鑿茅茨于陶唐察卑  
宮于夏禹古公草創而高門有閭淵宣王中興而築室  
百堵兼聖哲之軌并文質之狀商豐約而折中去圭當  
年而為量思重爰纂大壯覽荀卿采蕭相倣衛拱木于  
林街授全模於梓匠避通悅豫而子來工徒擬議而騁  
巧闢鈎繩之筌緒承二分之正要揆日晷考星耀建社  
稷作清廟築曾宮以廻匝比岡隙也而無陂造文昌之  
廣殿極棟宇之弘規藹若崇山嶺起以崔嵬甍若玄雲  
舒蛇以高垂瓌材巨世埽楚堦除參差粉椽複結藥攬  
疊苑丹梁虹申以並亘朱楠森布而支離綺井列疏以  
懸蒂華蓮重葩而倒披齊龍首而涌雷時梗概于泥池  
茶極閑列暉鑿挾杜振人椽題黓黓階隔嶙峋長庭砥

平鍾虞夾陳風无纖埃雨無微津巖巖北闕南端攸遵  
竦峭雙碣方駕比輪西闕延秋東啟長春用觀羣后觀  
享頤賓左則中朝有純聽政作寢匪樓匪斷去泰去甚  
木無彫鏤土無締錦玄化所甄國風所稟於前則宣明  
顯陽順德崇禮重開河出鏘鏘濟濟珍樹倚倚奇卉萋  
萋蕙風如薰甘露如醴禁臺省中連闈對廊直事所絲  
典型所藏藹藹列侍金螭齊光詰朝陪幄納言有章亞  
以柱後執法內侍符節謁者典璽儲吏膳夫有官藥劑  
有司布醴音亦順時脍理則治於後則椒鶴丈石永卷壺  
術楸梓木蘭次舍甲乙西南有戶成之匪日丹青炳煥  
特有溫室儀形宇宙歷象賢聖圖以百瑞緯補以藻珠  
茫茫終古此焉則鏡有虞作績茲亦等鏡右則疎圃曲  
池下畹高堂蘭渚萋萋石瀨湯湯弱弱以係寶輕葉振  
芳奔龜躍魚有睵音麗呂梁馳道周屈於果下延閣脩宇  
以經營飛陞方輦而徑西三臺列峙而崢嶸亢陽臺於  
陰基擬華山之削成上累棟而重雷下冰室而泓冥周

軒中天丹墀臨歲增構我莪清塵影影雲在蹊或莞而  
矯首壯翼搗餒于青霄雷兩窈冥而未半繳日籠光于  
綺寮習步頓以升降御春服而逍遙八極可圍于寸眸  
萬物可齊於一朝長塗牟首豪傲去互經啓漏蕭唱明  
宵有程附以蘭綺或庫宿以禁兵司衛閑邪鉤陳罔驚  
于是崇墉瀆洳嬰堞帶洩四門轍轍或鳴隆履重起堯太  
清以混成越埃溢或於而資始邈邈標危亭峻峙臨焦  
原而弗悅誰勁捷而無蹇躓與岡岑而永固非有期乎  
世祀陽靈停耀于其表陰祇濛濛于其裏苑以玄武陪  
以幽林繚垣開圓觀宇相臨碩果灌叢圓木竦尋莖篠  
懷風蒲桃結陰回淵淮積水深蒹葭或翹萑葦森丹雘  
凌波而的皪綠艾泛濤而浸潭或以羽翮頰頰鱗介浮沉  
栖者擇木雖者擇音若咆渤潮與姑餘常鳴鶴而在陰  
表清築勒虞箴思國卽忘從禽樵蘇往而元忌卽鹿縱  
而匪禁膠膠或莫垌野奕奕苗畝甘荼伊螽芒種斯阜西  
門既其前史起淮其後澄流十二同源異口蓄為屯雲



泄為行雨水澍之種徐陸蒔稷黍黝黝柳桑柘油麻  
紵均田畫疇蓄廬錯列蘆芋充茂桃李陰翳咽家安其  
所而服美自悅邑屋相望而隔踰爽世內則街衢輻湊  
朱闕結隅石杠飛梁出控漳渠疏通溝以濱路羅青槐  
以蔭塗比滄浪而可濯方步櫛而有踰習習冠蓋萃萃  
悉徒斑白不提行旅讓衛設官分職營處署居夾之以  
府寺班之以里閭其府寺則位副三事官踰六卿太常  
之號大理之名厦屋一揆華屏森榮肅肅階闕許重門  
再高師尹爰止毗世作複其閭閻則長壽吉陽永平思  
忠亦有戚里真宮之東開出長者巷苞諸公都護之堂  
殿居綺窗輿騎朝服踈殿點其中營客館以周坊飾質  
侶之所集肆豐樓之閑闕起建安而首立葺墻冪室房  
庶雜襲剝劓厠居居因因掘掘匠斷積習廣成之傳無以傳葉  
街之邨不能及廓三市而開厓籍平遠而九達班列肆  
以兼羅設閑闕以襟帶濟有無之常偏距日中而畢會  
抗旗亭之曉詳俊所眺之博大百隨教擊連軫萬貫憑

執捶馬袖幕紛半一八方而混同極風采之異觀資劑  
平而交易刀布留而無算財以工化賄以商通難得之  
貨此則不容器周用而長務物背竄度而就攻不常邪  
而豫賈古著馴致之醇釀白藏平之藏去富有无隄同  
賑大內控引世資實業慷慨積端結徒琛帶无物何闕石  
之所和鈞財賦之所底慎燕弧盈庫而委勁箕馬填廐  
而駟駿至乎勅也敵紀紛庶土罔寧聖武興言將曜威  
靈介胄重襲旌旗躍莖弓珣協解禁牙鋌飄英三屬之  
甲綬莫胡之纓控弦簡發妙擬更平羸齊被練而銛戈  
襲偏聚錄以讀會列畢出征而中律執奇正以四伐碩  
畫精通日無匪制推鋒積紀銚氣彌銳三捷三捷既畫  
亦月剋剪方命吞滅吃咻休雲撤叛換席卷度劉禮煇  
威八紘荒阻率由洗兵海島刷馬江洲振旅鞫鞫回反  
旆悠悠凱歸同飲疏爵善疇朝無利印國無費留喪亂  
既弭而能宴武人歸獸而去戰蕭斧越斧戢柯以押刃  
虹旌攝麾以就卷斟洪範酌典憲觀所恒通其變上垂

拱而司契下緣督而白勸道來斯貴利往則賤因園寂  
寥京庾流行於是東鯁即序西傾順軌荆南懷德朔  
北思難絲絲迥塗驟山驟水強負責贄重譯貢篚壁  
首之豪錄梁耳之傑服其荒服斂衽魏闕置酒文昌高  
張宿設其夜未遠庭燎晰晰有客初載華載喬入  
岌岌冠緹所纒纒纒髮清醕如濟濁醪如河凍醴流漸  
溫耐躍波豐肴衍衍行庖儲儲惜惜醜讌酣滑无譁延  
廣樂奏九成冠韶夏冒六英五僧響起疑震霆天宇駭  
地廬驚億若大帝之所興作二羸之所曾聆金石絲竹  
之恒韻匏土革木之常調干戈戚羽之飾好去清謳微  
吟之要妙世葉之所日用耳目之所聞覺雜揉紛錯兼  
該泛博鞮都鞮巨所掌之音棘適味任鈿禁全之曲以  
娛四夷之君以睦八荒之俗既苗既狩爰遊爰豫籍田  
以禮動大闕以義舉備法駕理秋御顯文武之壯觀邁  
梁騶之所著林不槎枿澤不伐天鳥斧斨以時罽網以  
道德連木理仁挺芝草皓默為之自藪丹魚為之生治

喬半雲翔龍澤馬于鍾阜山圖其石川形其寶英黑匪  
鳥三趾而來依英赤匪狐九尾而白擾嘉穎離合以尊  
葇醴泉涌流而浩浩顯禎祥以曲成固觸物而兼造蓋  
亦明靈之所甬酢休徵之所偉兆岐岐賈率土遷善罔  
匱沫浴福應宅心醇粹餘糧栖畝而弗收頌聲載路  
而汎溢河洛開典符命用出翩翮黃鳥銜書來訊人謀  
所尊鬼謀所秩劉宗委馭巽其神器闕玉策于金滕案  
圖錄于石室考厯數之所在察五德之所莅量寸旬消  
吉日陟中壇即帝位改正朔易服色繼絕世修廢職徽  
幟以變器械以革顯仁翌明藏用玄默菲言厚行陶化  
染學酬枝篆籀篇章畢觀優賢若于揚厯匪蕪形于親  
戚本枝別幹蕃屏皇家勇若任域才若東阿抗旂則威  
險驗秋霜擣翰則華縱春葩英詰雄豪佐命帝室相薰  
二八將猛四七赫赫震震開務有謚故令斯民都泰階  
之平可比屋而為一筭祀有紀天祿有終傳業禪祚高  
謝萬邦皇恩綽矣帝德冲矣讓其天下臣至公矣榮操

行之獨得超百王之庸庸追亘卷領與結絕賤留重華  
而比蹤尊盧赫喬義農有熊雖白以為道洪化以為隆  
世篤玄同奚遽不能與之踵武而齊其風是故料卿其  
建國析其法度詰其考室議其舉厝復之而無數中之  
而有裕非疏耦之士所能精非鄙俚之言所能具至于  
山川之倬詭物產之魁殊或名奇而見稱或實異而可  
書生生之所常厚洵羨之所不渝其中則有鴛鴦交谷  
虎澗龍山掘鯉之淀觀蓋節之淵珉珉祈精術銜木償  
怒克常山平干鉅鹿河間列真非一往往出焉昌容練  
色犢配眉連玄俗無影木羽偶仙琴高沈水而不濡時  
乘赤鯉而周旋師門使大以驗術故將去而林燭易陽  
壯容術之稚質邯鄲躡步趙之鳴瑟真定之梨故安之  
粟醇酎中山流酒千日淇洹之筍信都之棗雍丘之梁  
清流之稻錦繡襄邑羅綺朝歌絲曠房子繹總清河若  
此之屬繁富夥够反苦候非可單究是以抑而未罄也蓋  
比物以錯辭述清都之閒麗雖選言以建章徒九復而

遺吉覽大易與春秋判殊隱而一致末上林之隋塙本  
前修以作系其軍容弗犯信仲其果毅糾華綏戎以戴  
公室元勳配管墩之績歌鍾折邦君之肆則魏絳之賢  
有令聞也閒居隘巷室適心遐富仁寵義職競弗羅千  
乘為之軾廬諸侯為之止戈則干木之德自解紛也貴  
非吾尊重土踰山親御隘門謙謙同軒榻秦起趙威振  
八蕃則信陵之名若蘭芬也英辯榮枯能濟其厄位加  
將相室陳之策四海齊鋒一口所敵則張儀張祿亦足  
云也推惟庸蜀與鷓鴣同窠句結吳與龜鼉同穴一自  
以為禽鳥一自以為魚鱉山阜狼積而崎嶇泉流迸集  
而映咽隰壤滅踏而沮如林藪石留刃而蕪穢窮岫  
泄雲日月恒翳宅土燿輪暑封疆障厲茶芥螫未刺力  
昆蟲毒噬漢罪流禦秦餘徒剗剗尚貌叢陋稟質蓬脆  
巷無杼首里罕耆耄或魁連髻而左言或鏤膚而鑽髮  
或明發而雄詠或浮沫而卒歲風俗以豎而慄果為  
媿直人物以殘害為藝威儀所不攝憲章所不綴由重

山之束阨因長川之裾勢距遠闕以闕關時高樓而陞  
制薄戍絲幕無異蛛蝥之網弱卒瑣甲無異螳螂之衛  
與先代而常然雖信險而勒絕揆既往之前跡即將來  
之後轍成都造已傾覆建業則亦顛沛顧非累卵於疊  
碁焉至觀形而懷怛權假日以餘榮比朝華而蒼藹覽  
麥秀與黍離可作謠于吳會先生之言未卒吳蜀二客  
矍然相顧睒然失所有覩嘗容神築形茹弛氣離坐快  
暈而謝曰僕黨清狂怵迫閩濮習參蟲之忘卒說進退  
之惟谷非常寐而无覺不覩皇與之軌躅過以汎剽之  
單慧歷執古之醇聽兼重性以眈繆佻辰光而罔定先  
生玄鐵深頌靡洲得聞上德之至感匪同憂於有聖抑  
若春霆發響而驚蟄飛競潛龍浮景而幽泉高鏡雖星  
有風雨之好人有異同之性庶覩節家與剝廬非蘇世  
而居正且夫寒谷豐黍吹律以暖之也昏情典曙歲規  
以顯之也雖明珠兼寸尺璧有盈曜車二六三傾五城  
未若申錫典章之為遠也亮曰日不雙麗世無兩帝天

經地緯理有大歸安得  
奔給守其小辨也哉

楊侃皇畿賦

有賦者流欲馳名  
于當世思若詠于

神州忽念前古深懷景慕誦二京于張衡覽兩都于班  
固於是輟卷意慙閣筆心伏諫而朝臣請書簡牘臣辭  
不獲已而謂之曰子讀二子之賦而知兩漢都邑之制  
宮殿之麗而未知大宋畿甸之美政化之始也予幸得  
職採風謠官參儒雅千里之郊圻是巡八使之軺車斯  
假若夫大邑名城神臯沃野畫地可記濡毫可寫至于  
宮禁之深嚴予未聞也都城之浩穰衆所覩也是故彼  
述其內予言其外蓋萬分之舉一難盡述而備載昔者  
唐綱不振國鼎將遷俄梁室之革命啟俊都而應天既  
效法于左峭右隴亦取則于西澗東瀍大矣雄圖昭然  
聖謨謂陳留天下之衝要謂大梁海內之膏腴漢祖得  
之則奔楚之敵滅亡相繼咸就擒而即誅梁王守之則  
七國之師不敢西向盡翦讖而為俘寶王氣之長在宜  
萬世而作都也莫不廣封溝設險固襄平割宋之美田



戴邑裂曹之沃土滑分屬邑之二城陳開太康之萬戶  
穎川之鄆陵扶溝滎陽之中牟陽武成命落闕于州

籍升地圖于天府故得雄臨九州陋視三輔經營歷于  
五代法則垂于萬古皇宋之受命也太祖以神武獨斷  
太宗以聖文誕敷平江表破蜀都下南越來東吳北定  
并汾南并荆湖是故七國之雄軍諸侯之陪臣隨其王  
公與其士民小者十郡之衆大者百州之人莫不去其  
鄉黨率彼宗親盡徙家于上國何懷土之不聞甲第星  
羅比屋鱗次坊无廣巷布不通駟於是出居王畿掛  
戶懸籍與產植業出賦供役者矣豈比夫秦選戶口於  
咸陽漢徙豪傑於陵邑魏將實于河南驅冀民而是入  
也余聖上之在東宮也尊以皇儲尹茲京邑視政之初  
民訟雲集莫不察之以情偽解之以曲直發伏禁姦親  
刺繁劇既而桴鼓不鳴豪右斂迹吏不敢欺民用懷德  
若乃龍樓晚出奉法謹身教民以事父也親拜師傳降  
禮國儲教民以事師也公退則侍講在前出入則四賓

是翼尚老尊學與民為則是時王畿之內易俗移風以  
至正南面居域中由內及外化行令從是君王德惠素  
立而正教早崇也若乃銳旅百營高城千雉孫武教陣  
吳起撫士其齊如林其猛如虎手擊利劍足張強弩躍  
馬奪鞬投石拔距入則訓練出無征戰身閑費厚家有  
餘羨是故擁強兵衛近甸如大郡雄藩為屏為翰者且  
有九家尉氏成平陳留雍丘襄邑天設二渠曰蔡曰汴  
通江會海滎畿帶甸千倉是興萬庾是建杜預主計劉  
晏司漕何貢何輸吳粳楚稻月致百萬猶責其少漢之  
太倉積粟紅腐使彼粒而計之未及我斗量之數成王  
之庾萬箱以供未若我千艘往來運江淮而無窮是故  
備九年之儲充六軍之給當津處要山積雲入者復有  
五邑陳留雍丘襄邑若乃愆戎者貴領專城宰邑者上  
應列星簿既資高尉亦秩清率兵守戍者五嶺建雄義  
馬鋼萬勝既置甲士統騎分巡者兩路府界東四  
二史防人檢城隍之外遊徽四布京城一四人心桓桓入城是警

是護謂東西兩路共八城四郊原膾膾春草萋萋邊峰  
不警牧馬爭嘶廐空萬櫪野散千蹄開牧南  
長原去如霧散來若雲連地廣馬多古未有馬若乃任  
空原去如霧散來若雲連地廣馬多古未有馬若乃任  
土出於民心獻芹比于古俗園茹早實時果先熟瓜重  
南門笋宜脩竹鬻于市子利既兼倍進於君子恩必霑  
沫時或戴勝降桑螵蛸未鳴野人登麥以先至蠶婦貢  
絲而已成別有襄陵之桃揚夏之柿朱櫻宜於谷林丹  
杏出於尉池其或陽鄉千樹之梨扶藥千樹之栗比封  
千戶之侯亦何讓於昔日鹹壤宜北鄉之羊野藜羹東  
邑之豕魚鱉鳧鴈之盛西有陂千萬頃菱芡蓮藕之美  
東沁堤兮百里其或仲冬之月禮尚進鮮介麋素出于  
逢澤狡兔復多於梁園乃命棊田於虞人選徒于司馬  
四枝畢陳六飛風駕任千乘萬騎之馳騁滿四通五達  
之郊野西或過於圃園之藪東或出於平臺之下乃有  
孟賁之徒烏獲之類檀楊而來叱咤而至搏虎兕擊熊

豕玄豹逆曳白狐生致復有負羽從獵之人控弦伏獸之士落孤鴈於馬首貫雙鷗於雲裏然猶示之以三駟之仁寬之以一高之網不使獸殫於下禽盡於上何長揚之獵自謂于禽多雲夢之畋敢誇于地廣哉圖書載詳境土斯見開封則漢志之名邑今二赤之苗冠祥符則天書之降年易新名于舊縣穩結之入斯為近甸若乃百萬衆之分營十二市之環城囂然朝夕異彼郊垌其東則有汴水之陽宜春之苑向日而亭臺最麗迎郊而氣候先煖鶯轉何早花開不晚晤太一之清宮壯先朝之命工構宇煙霞之外出俗囂塵之中效仙人之樓居慕老氏之玄風青青道邊千畝何田端拱之初藉于此馬黛耜一執青史千年登蓼隄以東望見高臺之百尺居道之南在岡之北下有廣場可馳可逐我皇帝初即寶位大閱軍旅親乘戎輅習戰于此士馬秋勁甲冑展整止憑軾以將觀衆無譁而是聽列八陳之形申三令之語肅將帥嚴部伍頗牧復之以方畧韓彭進之以

旗鼓失軍容者戮以狗象有勇敢者賞而裂土彼上林  
之馳射驪山之講武豈可同日而語哉其南則有崇崇  
清壇肅肅齋宮卜是吉土龜從筮從永奉禮祀郊見昊  
穹燔紫宸禮萬世无窮別有氣象仙岳園名玉津珍果  
獻夏奇花進春百亭千榭林間水濱珍禽貢子何方怪  
獸來兮何鄉郊藪既樂山林是忘則有麒麟含仁駟虞  
知義神羊一角之祥靈犀三蹄之瑞狻猊來於天竺馴  
象貢於交趾孔雀翡翠白鷗素雉懷籠暮歸呼侶晚去  
何毛羽之多奇盤竹素而莫紀也忽斷堽墻又連池樂  
介旌千狀沙禽萬類盡游泳而往來或浮沉而出處柳  
籠陰于四圻蓮飄香于十里屈曲溝畎高低稻畦越卒  
執手吳牛行泥霜早刈連春寒種遲畚紅粳而花紋簸  
素粒而雪飛何江南之野景來筆下以如移雪擁冬苗  
兩滋夏穗當新麥以時薦故清蹕而親至輦從千官郊  
陳萬騎既觀穫以云罷亦宴犒而後已其西則有池鑿  
金明波寒冰殿鷁首萬艘而壑浪虹橋一道而通輦太

液元溫湯之深靈沼有潢汙之淺時或薰風時扇晴瀾  
始暖命樓船之將軍習昆明之水戰天子乃駐翠華開  
廣宴凭欄檻於中流瞰渺茫于四面俄而旗影霞爛陣  
形星羅萬棹如風而倏去千鼓似雷而忽過則有官名  
使飛將號伏波驃江中之龍避船下之戈黃頭既象文  
身之卒且多類虬龍而似蛟蜃駭鯨鯢而走鼉鼉勢震  
動于山嶽聲沸騰于江河別有浮泛傀儡之戲雕刻魚  
龍之質應樂鼓舞隨波出沒鑿與臨賞以盡日士庶縱  
觀而踰月波池之南有苑何大既瓊林而是名亦玉輦  
而是待其或桂拊天庭花開鳳城則必有聞喜之新宴  
掩杏園之舊名於是連鑣上苑列席廣庭蓋我朝之盛  
事為士流之殊榮一派如飛通漕架虛越廣汴湍流之  
上轉皇城西北之隅貫都注御溝之口轉漕通廣濟之  
渠京索導源而于彼金水名河而在茲其北則瑞聖新  
名含芳舊苑四方異花於是乎見百疇好鳥於是乎聞  
十洲德景三島分香延廡之設是名天駟伐大宛以新

求涉滙注而遠致羣駝八騎隊數萬驥雖執粟之千車  
乃嘗林之一費彼沙臺之崔嵬犍佛刹之千尺岡阜連  
延於西南原田平坦於東北何沙海之飛揚忽到此而  
止息莫不地多賢士代出異人何干旋之子子向浚却  
而要臻雖梁多于長者非安國而不聞過信陵之祠宇  
想英風而若存何侯羸之白首尚抱關于夷門遇公子  
之好賢忽枉駕而咨詢既同載而過市謁隱屠而駐輪  
果嘉謀之斯得救邯鄲而義仲奪晉鄙之十萬終自將  
而卻秦設守冢而奉祀值漢皇之東巡若乃過陳留之  
故邑訪地名之所因蓋二畱之分別彼彭城而此陳昔  
赤帝之起蒧會子房而于此始錫賢于上天終受封于  
茲地既萬戶以建侯亦千年而崇祀千屯北縣之郭郭  
三月南河之廊市何飛梁之新遷惠樓舟之觸柱今之  
雍丘古曰杞國民厚風俗土繁貨殖縣之西如山曰谷  
林其或花迎野望煙禁春深景當妍麗俗重登臨移市  
景日傾城貫心帷幕蔽野軒蓋成陰暮而忘歸樂不絕

音既同歡於萬室因惜費于千金厥篚織文出于襄邑  
池濯錦以為名蜀有江而馬及復有咸平大縣我宋新  
建因紀年以命號詔將作而營繕公宇之制甲于畿甸  
中有大川通閘帶關貫都邑而北來走江湖而南會何  
客棹之常喧聚茶商而斯在千舸朝空萬車夕載西出  
玉闕北越紫塞微尉氏之名本大夫之邑蓋鄭國之上  
曰俾獄官而世襲何彼樂却今為畿地爰有仁木應乎  
嘉瑞二棠合生雙偷連理槐獨秀而通枝木異類而同  
氣良宰畫圖而來開大尹飛章而奏異莖不召虎殿之  
宿儒集麟閣之名士驗彼祥經考乎信史表六合之一  
家而帝德之光被也加以地多藪澤利有蒲魚晴澗曜  
晶波之色山水觀惠民之渠乃有檝師炭商交易往復  
素衣化緇漆身同色行舟則夏瞻雲兩售貨則冬禱雪  
霜經宋樓而關征既薄歷宋曲而市稅有常潺湲泊溝  
渙渙消水入鄆陵而碧截原田過扶亭而清映閭里珍  
貨奔馬欄之道豪俠聚建雄之市彼東昏之舊城易美



號于新室似興廢之有時而圖讖之預出何以明而代  
昏符作讖于聖日考城之人舊俗剛毅鄉出勇夫里多  
壯士推埋為姦任俠高氣睚眦必報孟間刃起今為畿  
民禮束化被暴虎之徒聞義則畏南徂太康淮陽甚邇  
地宜琅玕家有蒼翠城過兩扶溝踰二備地既成于上  
田人不趨于末利桑成陰而春繁棗結實而秋美問中  
年之畜民歎魯恭之仁宰何三異之善政有千年之遺  
愛遇我后之盛明西朝拜于園陵瞻路隅之靈廟想前  
史之嘉名祭以上公之禮爵以太師之榮若夫八澤清  
澤管澤鴈澤滑澤蓼澤出澤經澤九溝醋溝鶴溝青溝洋溝  
澤龍澤滑澤錫澤三固澤即周流源野表界境土宿萬  
溝馬二池蓮藕三固澤即周流源野表界境土宿萬  
勝以遙觀見斗門之雙注吸驚浪以橫來絕長隄而可  
懼其始也患彼決溢利其填閼溉萬頃之陂澤變千古  
之駕函盡若膏腴咸通耒耜有若決漳灌鄴旁之田鑿  
涇沃闢內之土然後疏導入白溝之流會同為漕渠之  
助彼梁固之在東亦派分子波勢梁二斗里東德四年

沿流有一舍之遙則水無寸差之異何一畝而一閉  
常若合于符契始注陂而雷聲終入渠而駟逝散濁浪  
以澄沙廣良田而濟世桓陽武以北過涉博浪之長沙  
固斷續以千疊塵飛揚而四遮人迷途而莫辨烏投樹  
以何賒策不進兮我馬輪欲埋兮何車過戶幄之名卿  
乃回逆之舊里何分社之稱平已宰國而有志經計相  
之里中思張蒼之善宦屈柱史以事秦榮列侯而佐漢  
宜二賢之靈祠厯千古而輝煥西望河流經帶二邑高  
岸山立回灣箭急蟻壤夏漏衝決莫救葦根相扶萬柳  
千榆與梢畚土常設備禦建營置卒轉粟實庾堅彼金  
堤鑿乎前古秋防夏捍守以朝暮冬計春修設均編戶  
岸艘連航兵屯兩渡阻浩浩之波扼憧憧之路北棹謳  
晨南帆落暮惟好是防非利是務右倚太行橫絕雲霧  
夫雍阻仁峭之險洛憑九河之固方之于是彼若平路  
遇澗水之長渠經封國之舊城寥落兮桐牢之亭湮沒  
予黃池之迹何昔也明誓重重諸侯于此而會同今也

京邑翼翼四方于此以取則涉長垣之塗歷古衛之境  
城有婦姑之名人恭孝慈之行加孔子之入蒲先宰予  
以觀政美大家之東征復農田而發運若乃南瞻潘里  
北指蘭岡樹新文于二碑易美號于兩卿因東封之行  
幸威瑞應之非常忽有鳴唳降于穹蒼丹頂未辨于煙  
際玉羽已穿于仗旁九其數象君之體陽再而降符常  
運之重光何德動于上天而道盛于前王也如是哉客  
既聞臣之說而知漢以宮室壯麗威四夷宋以畿甸風  
化正萬國彼尚侈而務奢此歌道而詠德乃曰使  
孟堅可作平子再生讀子之賦不敢復談于漢京

### 詩集帝王居

壯哉

麗珠百城曹植

### 帝王州

注南佳麗地金陵  
佳

水迢遞起樓飛堯史馳道垂楊映御溝凝笳翼高蓋  
疊鼓送華輶獻納靈臺表功名良可收謝元暉鼓吹曲  
矜財雄五都 | 一 | 三 川養聲利百金不市死明經有  
高位 | 京 | 城 | 十 二衢飛覺各鱗次任子彰華櫻遊

客疎輕響明星晨未稀軒蓋已雲至賓御紛馳奮鞍馬  
光照地寒暑在一時繁華及春媚君平獨寂寞身世兩

相棄絕明

塞康莊

歌吹喧萬井車馬  
| | | 韋應物

壯帝居

山河 | | 陳后主

分魏闕

建都 | | 杜

定鼎地

雄都 | | | 勢據萬國尊河嶽  
出雲雨土圭酌乾坤帝宅夾清

洛丹霞捧朝暎葱龍瑤臺榭  
窈窕金闕門韋應物望洛

開繡陌

長安 | | 陳暄

龍虎盤

地即帝王宅山為  
| | | 李白金陵

鳳凰遊

鳳凰臺上 | | | 鳳  
去臺空江自流同上

春色滿

皇州杜

天文照

雄都元壯麗望幸歛威神地  
利西通蜀 | | 北 | 秦杜

王氣中

天京

集朱家曲  
| | | 歐陽

車馬九衢

都門收宿霧佳氣鬱葱蔥晚日  
寒川上青山白霧中樓臺萬瓦

合 | | | 通恨  
知京邑雄歐集薇安門曉望  
| | | 登高賦徒



古今合璧事類備要別集卷一

欽定四庫全書

古今合璧事類備要別集卷二

宋 謝維新 撰

都邑門

侯藩

附 郡縣

侯藩總論

侯國諸侯之國也。歷考前古，未有知其所由來者也。蓋至黃帝畫野分州，已得百里之國。

萬區設左右大監，監於萬國而正妃二子，一曰元囂，一曰昌意，列為諸侯。然則侯國之設，其來尚矣。自是以來，堯封四岳於呂，封稷於邠，封契於商，舜之封有庫、禹之會塗、山、湯之漢南，諸侯周之盟會，八百皆是也。迨至嬴

氏雖罷侯置守然至於漢又監秦弊未嘗不國置而侯王之此封建之法亘古窮今不容易也然列爵凡五等公一位侯一位伯一位子男同一位此爵有尊卑也分土凡三等公侯皆方百里伯七十里子男皆五十里不能五十里附於諸侯者曰附庸此地有大小也天子之縣內方百里之國九七十里之國二十一五十里之國六十三其餘祿士以為間田四海之內王畿之外八州州方千里州建百里之國三十七十里之國六十五十里之國百二十凡二百一十國其餘以為附庸間田八州總一千六百八十國名山大澤皆不以封不以盼合九州千七百七十三國天子之元士諸侯之附庸不與此封國有疏密也千里之外設方伯五國以為屬屬有長十國以為連連有帥三十國以為卒卒有正二百一十國為州州有伯八州八伯五十六正百六十八帥三百三十六長八伯各以其屬於天子之老二人分天下為左右曰二伯然後天下定于一此侯國又未嘗無所



聯屬也。然去古既遠，侯國之制，吾不得而見之。得見郡縣之治，斯可矣。亦在乎得良二千石而已。何必曰封建。

事類建國

象曰：地上有水，比先王以萬一親諸侯，易比。

康侯

晉一用錫馬蕃庶，晉卦。

羣后

覲四岳羣牧，班瑞于—|—古舜典。

羣辟

惟周王撫萬邦，巡侯甸六服—|—罔不承德，周官。

邦諸侯

武王既勝，殷—|—洪範。

列名城

周建子弟—|—班五爵流之，十二當時，雖欲漢得。

乎楊重黎

侯于魯

俾—|—詩閟宮。

命之蔡

蔡仲克庸，祗德周公，以為卿士，乃—|—諸王邦—|—

—書蔡仲之命

尹茲東夏

成王既黜殷命，殺武庚，命微子啓代殷，後云云。庸建爾于上公—|—

微子之命

尹茲東郊

君陳惟爾令德，孝恭惟孝友于兄弟，保克施有政命汝—|—|—敬哉，君陳。

釐東郊

康王命作冊畢云云，以成周之衆命畢公—|—|—畢命。

不立諸子

丞相綰等言諸

侯初破燕齊荆地遠不為置王無以鎮之請立諸子李斯議置諸侯不便分天下以為三十六郡史秦本紀

等為匹夫

淳于越曰商周之王千有餘歲封子弟功臣自為枝輔今陛下有海內子弟為匹夫卒有

田常六卿之臣無輔弼何以相救哉李斯曰三代之事何足法同上

羽王諸將

項王欲自王先召諸

將相謂曰天下初發難時假立諸侯後以伐秦然身被堅執銳首事暴露於野三年滅秦者皆將相諸君與籍

之力也義帝雖無功故當分其地而王之諸將曰善乃分天下立諸將為侯王立沛公為漢王王巴蜀三分關

中王秦降將項王立章邯為雍王司馬欣為塞王董翳為翟王徒魏王豹為西魏王立申陽為河南王趙將司

馬卬為殷王徒趙王歇為代王立張耳為常山王黥布為九江王吳芮為衡山王義帝柱國共敖為臨江王徒

燕王韓廣為遼東王立臧荼為燕王徒齊王田市為膠東王立齊將田都為齊王立田安為濟北王田榮數負

項梁以故不封成安君陳餘不從入關素聞其賢因環封三縣番君將梅銷明主功多故封十萬戶侯項王自

立為西楚霸王九郡漢之元年四月諸侯罷戲漢啓下各就國項王出之國使人從義帝於郴而殺之

**九國**

燕代王子建子恒常山南太行自雁門東盡遼陽為

海為齊趙王子肥子如意濟泗以往奄有龜蒙為梁楚王子恢子交東帶江湖薄會稽為荆吳王凡子濞北界

淮瀕畧盧衡為淮南王子長波王子弟地高帝犬牙相制漢之陽巨九嶷為長沙王吳芮

此盤石之宗也高帝紀**分子弟邑**漢高帝子弟同姓為王者九國百年之間諸侯驕奢謀為淫亂

天子加惠使諸侯推恩一一國一一諸侯稍微**皇子備**犬牙相臨強本幹弱枝葉之勢也漢諸侯王表

**藩**十九年詔曰太子強宗執**大國為屏**實太后詔外有謙退願備藩國後光武紀

藩一和功臣割地太宗曰割地封一欲公等後  
帝紀嗣長為蕃屏唐長孫無忌傳

郡邑罷侯置守秦始皇懲周氏之微弱恃狙詐以罷侯  
為強蔑棄禮典一一一隋地理志

為郡始皇初并天下懲忿戰國削一列一一三十六一  
於是興師逾江南平百粵又置閩中南海桂林象

郡前地秦郡四十  
秦自大業傳四十七世至始皇初併天下分置二十八郡三川河東南陽

九江鄣郡會稽潁川碭郡泗水薛郡東郡琅邪齊郡上  
谷漁陽右北平遼西遼東代郡鉅鹿邯鄲上黨太原雲

中九原鴈門上郡隴西北地漢中巴郡蜀郡黔中長沙  
凡三十五與內史為三十六郡一一一縣萬戶以上

為令減萬戶為長平百粵又置四郡閩中南海桂林  
象郡郡置一守一丞兩尉以典之監侍御史掌監郡前

漢百三漢興以秦地大大更加置郡國其後開粵攘胡  
土宇彌廣改雍曰涼梁曰益又置徐州復禹舊

號置交北有朔方凡為十三部刺史司隸并豫兗徐揚冀幽荆青益交涼而不常所理至哀平之際凡新置郡

國六十三馬與秦四十合百三縣邑千後漢百五光武以官

三百十四道三十二侯國二百四十一

多役煩乃并省郡國十縣道侯四百餘所其後亦為十三州部刺史漸復加置郡國至於靈獻凡百有五馬縣

道侯國千一百八十八魏六十八一據中原都洛有州十東有樂浪南永昌郡

秦分涼州置冀幽并揚雍孫都鄂後遷建業北據江南盡海

置交理龍編今安南州廣理番禺今廣州荆理南蜀凡郡今江陵郢理江夏今鄂州四州有州一

二十先主都成都置益理成都梁晉百五十六西都洛陽有州一縣一宋二百三十八劉都建康郡一齊

千一百有九

幾四百郡

南齊都建康淮北之地所有絕少州凡二十有二郡三百九十五縣千四百七十四

梁

三百餘郡

蕭梁州縣多以舊制天監中有州二十有郡三百五十縣千二十有五其後更有析置大

同中州十有七郡縣亦稱此

陳百有九郡

陳氏土宇彌盛於梁西不得梁漢北失淮淝以長江

為境有州四十有二地轉狹而州

後魏五百餘

雲中後

遷平城至孝文遷都洛陽有州一百一

高齊百六十

都鄴據河北有州六十七

後周五百八

關中通計州三

百一十一郡

隋廢郡為州

文帝開皇三年遷都大興城今長安遂

宋之後分析漸多至于魏齊後周雖割據鼎立天下分

裂其於州郡乃倍於兩漢之地隋民以官冗人弊遂廢  
五百餘郡而以州治人名則因以職事同於郡守無屬

刺舉之隋改州為郡煬帝大業初移洛陽城又平材邑  
更置三州既而併省諸州三年改

州為郡乃置司隸刺史分部巡察五年平定吐谷  
渾更置四部大凡郡百九十縣千二百五十五唐改

郡為州初一興高祖一一一太守為刺史又置都督  
府以治之然天下初定權置州郡頗多太宗元

年始命併省又因山川形便分天下為十道至十三年  
定簿凡州府三百五十八縣一十五百五十一明年平

高昌又增州二縣六明皇開元中定天下州府自京都  
及諸都護府外以近畿之州為四輔同華歧蒲其餘為

六雄鄭陝汴絳懷魏十望宋亳滑許汝晉洛號衛相十  
緊初有十緊州後入者甚多不復列及上中下之差天

寶中上州一百九十中州二十九下州一百八十九肅  
宗乾元初收復以郡為州置團練守捉使都團練守捉

使大者州鎮十餘小者二三州而已故自此所置皆無  
郡名而不復列上中下之目其後有方鎮史官不錄於  
地里之書以為方鎮兵伐之事非職方所掌故也然而  
後世因循以軍目地而沒其州名又今置軍者徒以虛  
名升建為五代諸僭偽梁太祖朱氏都汴初天下別為  
十一南有吳浙荆湖閩漢西有  
州府之重岐蜀北有燕晉而朱氏所有七十八州以為梁蓋當是  
時劉仁恭稱燕李克用稱晉李茂貞稱岐錢瑒稱吳越  
楊行密稱吳王審知稱閩馬殷稱楚王建稱蜀高季興  
稱南平劉隱稱南漢李茂貞僖宗時節度鳳翔後取興  
元有州二十岐隴涇原渭武秦成階鳳邠寧慶行鄜坊  
丹延梁洋其被梁圍也興元入于蜀開平以後邠寧鄜  
坊入于梁秦鳳階成入于蜀當梁末年所有七州封岐  
王南平高氏梁初領荆南節度十州後為諸道所侵所  
有江陵一城而已劉隱梁初封東海王卒其弟陟襲位  
盡有嶺表之地僭號於廣州吳越止十三州楊行密盡



有淮南地審閩嶺五州馬殷盡有湖南地後兼後衡潭  
鼎澧二十餘州王建西州節度後併東川及山南諸郡  
自或離合不常後唐一百二十三州晉一百九州漢一  
百六州周一百一十八州其餘並為僭偽者所據云

### 皇宋大一統

太祖皇帝建隆四年二月王師入荆南平  
之得州三縣一十五三月克湖湘得州十

四縣五十八六年正月兩川平得州四十五縣一百九  
十八開寶四年二月拔廣州得州四十一縣六十五八  
年十一月拔昇州江南平得州一十九軍三縣一百八  
至太宗興國三年四月陳洪進以漳泉歸有司五年錢  
俶以十三州歸有司四年劉繼元納款得州十路總二  
縣四十一七年又得銀夏二州而天下一統矣

### 十有三

謹按聖朝元豐頒行李法芻曾肇王存等撰九  
域志總為二十三路京東東西路熙寧七年分

東西路元豐元年詔河北東北永興秦鳳京東東西京  
西南北淮南東西路轉運司通管西路以河北陝西京

東京西淮南路為名提刑提舉司仍舊分路東西南北路太平興國三年分河北南路後併為一路熙寧五年復分河北東西路太平興國二年分河北南路雍熙四年分東西路端拱二年併為一路熙寧六年復分陝西路太平興國二年分河北河南路又有陝府西路後併為一熙寧五年分河東路○淮南東西路興國元年分東西路後併為一熙寧五年又分兩浙路○江南東西路太平興國元年分為二後併天禧四年又分荆湖南北路咸平二年分成都府路乾德三年兩川併為西路開寶六年分陝路咸平四年分益利梓夔四路嘉祐四年以益州路為成都路夔州路利州路福建路太平興國元年為兩浙西南路雍熙二年改為福建路廣南東西路陝西除永興一路外鄜延環慶涇原秦鳳熙河是為五路而序止稱陝西路今姑別之以俟觀者君

有升改廢置

西京東京開封南京應天西京河南北京大名京東京升改四充政和八年升襲慶府

齊升濟南府曹升興仁府鄆升東平廢一廣濟熙寧四年廢入曹州京西升改五陳宣和元年升淮寧府潁順昌府孟升河陽府汝政和五年改陸海軍廢一光化熙寧三年廢隸襄州河東升改三晉政和八年升平陽府潞升隆德府及崇寧元年改靖康軍廢四沁興國四年廢慈熙寧五年廢平晉興國四年廢靜樂咸平五年廢河北升改七德升安德府定升中山府邢宣和元年升信法府趙升慶源府澶崇寧五年升開德府瀛升河間府乾寧大觀二年改青州廢二通利興寧二年廢承天廢隸真定兩浙升改六越紹興元年升紹興府杭升臨安府蘇政和三年升平江府潤升鎮江府睦宣和三年改婺溫政和七年改應道軍廢二順化廢還杭州江陰廢還常州淮南升改二舒政和五年改法慶軍壽六年升壽春府廢三高郵連水熙寧五年並廢天長至道二年廢江南升改二歙宣和二年改徽州江寧建炎二年升建康府荆湖升改二岳宣和二年改岳陽軍誠崇寧

三年改靖州廢三復熙寧六年廢漢陽熙寧五年廢荆  
門熙寧六年廢廣南升改二端宣和九年升肇慶府桂  
紹興三年升靜江府開置二隆允政和五年西路置廢  
二十五富巖潘登勤常樂繡禹順思明南儀崖州瀧灣  
牢羅實蒙紆春巖黨恩剛歸恩芝州五路升改四通遠  
崇寧四年升改鞏州延升延安府慶升慶陽府廢三乾  
儀並熙寧五年廢綏熙寧二年廢成都改一陵并大觀  
四年改為仙井利路升一三泉縣今復改大安軍廢二  
壁開寶五年廢焦熙寧五年廢潼川升改四戎政和四  
年改叙州梓宣和元年升潼川府遂升遂寧府涓井改  
長寧軍夔升改一渝崇寧元年改恭州開置一道義大  
觀三年置永興升一永興軍升京兆府河北化外升改  
二幽燕山府雲雲中府陝西化外改一湟宣和元年改  
樂夔路化外廢二思播宣和二年省并思為務川城播  
為播川城府號郡名多沿唐舊號不同者七號曰號郡  
滑曰靈河熙曰臨北楚曰山陽明曰奉化嵐曰樓煩龍

曰江油唐所無者十四澧曰澧淵關曰陽郡淮曰易陽  
德曰澧陽祁曰蒲陰耀曰華源府曰永安宿曰符離信  
曰上饒沅曰潭陽昌曰昌元南劔曰劔蒲化曰陵水荆  
湖升一鄂州武昌縣嘉定十五年升壽昌軍浙東升二  
明紹興四年升慶元府秀慶元元年升嘉興府淮西升  
一舒慶元元年升安慶府成都升一嘉慶元元年升嘉  
定府廣東升一英慶  
元元年升英德府

### 賈誼治安策

臣謹稽之天地驗之  
往古按之當今之務

日夜念此至熟也雖使舜禹復生為陛下計亡以易此  
夫樹國固必相疑之勢下數被其殃上數爽其憂甚非  
所以安上而全下也今或親弟謀為東帝親兄之子西  
鄉而擊今吳又見告矣天子春秋鼎盛行義未過德澤  
有加焉猶尚如是况莫大諸侯權力有十此者乎然而  
天下稍安何也大國之王幼弱未壯漢之所置傅相方  
握其事數年之後諸侯之王大抵皆冠血氣方剛漢之  
傅相稱病而賜罷彼自丞尉以上偏置私人如此有異

淮南濟北之為邪此時欲為治安雖堯舜不治黃帝曰日中必萋操刀必割今令此道順而全安甚易不肯早為已乃墮骨肉之屬而抗到之豈有異秦之李世乎夫以天子之位乘今之時因人之助尚憚以危為安以亂為治假設陛下居齊桓之處將不合諸侯而匡天下乎臣知陛下有所不能矣假設天下如曩時淮陰侯尚王楚黥布王淮南彭越王梁韓信王韓張敖王趙貫高為相盧綰王燕陳豨在代今此六七公皆無恙當是時而陛下即天子位能自安乎臣有以知陛下之不能也天下散亂高皇帝與諸公併起非有仄室之勢以豫席之也諸公幸者乃為中涓其次僅得舍人材之不逮至遠也高皇帝以明聖威武即天子位割膏腴之地以王諸公多者百餘城少者乃三四十縣德至渥也然其後十年之間反者九起陛下之與諸公非親角材而臣之也又非身封王之也自高皇帝不能以一歲為安故臣知陛下之不能也然尚有可諉曰疏臣請試言其親者假

令悼惠王王齊元王王楚中子王趙幽王王淮陽共王  
王梁靈王王燕厲王王淮南六七貴人皆亡恙當是時  
陛下即位能為治乎臣又知陛下之不能也若此諸王雖名  
為臣實皆有布衣昆弟之心慮亡不帝制而天子自為者擅  
爵人敎死罪甚者或戴黃屋漢法令非行也雖行不軌  
如厲王者令之不肯聽召之安可致乎幸而來至法安  
可得加動一親戚天下圍視而起陛下之臣雖有悍如  
馮敬者適啓其口匕首已陷其匈矣陛下雖賢誰與領  
此故疏者必危親者必亂已然之效也其異姓負強而  
動者漢已幸勝之矣又不易其所以然同姓襲是跡而  
動亦有微矣其孰盡又復然殃既之變未知所移明帝  
處之尚不能以安後世將如之何屠牛坦一朝解十二  
牛而芒刃不頓者所排擊剝割皆衆理解也至於體解  
之所非斤則斧夫仁義溫厚人主之芒刃也權執法制  
人主之斤斧也今諸侯王皆衆體解也擇斤斧之用而  
欲嬰以芒刃臣以為不缺則折胡不用之淮南濟北執

不可也臣竊跡前事大抵强者先反淮陰王楚最強則最先反韓信倚胡則又反貫高因趙資則又反陳豨兵精則又反彭越用梁則又反黥布用淮南則又反盧縮最弱最後反長沙乃在二萬五千戶耳功少而最完孰疏而最忠非獨性異人也亦形勢然也曩令樊鄴絳灌據數十城而王今雖以殘亡可也令信越之倫列為徹侯而居雖至今存可也然則天下之大計可知已欲諸王之皆忠附則莫若令如長沙王欲臣子勿蒞醢則莫若令如樊鄴等欲天下之治安莫若衆建諸侯而少其力力少則易使以義國少則亡邪心令海內之執如身之使臂臂之使指莫不制從諸侯之君不敢有異心輻湊並進而歸命天子雖在細民且知其安故天下咸知陛下之明割地定制令齊趙楚各若干國使惠王幽王元王之子孫畢以次各受祖之分地地盡而止及燕梁他國皆然其分地衆而子孫少者建以為國空而致之須其子孫生者舉使君之諸侯之地其削頗入漢者為



徒其侯國及封其子孫也所以數償之一寸之地一人  
之衆天子亡所利焉誠以定治而已故天下咸知陛下之  
廉地制一定宗室子孫莫慮不王下無倍畔之心上無  
誅伐之志故天下咸知陛下之仁法立而不犯令行而  
不逆貫高利幾之謀不生柴竒開章之計不萌細民鄉  
善大臣致順故天下咸知陛下之義卧赤子天下之上  
而安植遺腹朝委裘而天下不亂當時大治後世誦聖  
一動而五業附陛下誰憚而久不為此天下之執方病  
大腫一脰之大幾如要一指之大幾如股平居不可屈  
信一二指搗身慮亡脚失今不治必為錮疾後雖有痛  
鵠不能為己病非徒瘡也又苦跋盤元王之帝之從  
弟也今之王者從弟之子也忠王親兄子也今之王者  
兄子之子也親者或亡分地以安天下疏者或制大權  
以偏天子臣故曰非徒病瘡也又苦跋盤可痛哭者此  
病是也

### 曹同議封建

宗室曹同上書曰古之王者必建同  
姓以明親親必樹異姓以明賢賢親

親之道專用則其漸也微弱賢賢之道偏任則其弊也劫奪先聖知其然也故博求親疎而並用之故能保其社稷歷紀長久今魏尊尊之法雖明親親之道未備或任而不重或釋而不任臣竊維此寢不安席謹撰合所聞論其成敗曰昔夏商周歷世數十而秦二世而亡何則三代之君與天下共其民故天下同其憂秦王獨制其民故傾危而莫救也秦觀周之敝以為小弱見奪於是廢五等之爵立郡縣之官內無宗子以自毗輔外無諸侯以為藩衛譬猶芟刈股肱獨任胷腹觀者為之寒心而始皇晏然自以為子孫帝王萬世之業也豈不悖哉故漢祖奮三尺之劍驅烏集之衆五年之中遂成帝業何則代深根者難為功權朽枯者易為力理孰然也漢監秦之失封殖子弟及諸呂擅權圖危劉氏而天下所以不傾動者動以諸侯彊大磐石膠固故也然高祖封建地過古制故賈誼以為欲天下之治安莫若衆建諸侯而少其力文帝不從至於孝景猥用鼂錯之計削

黜諸侯遂有七國之患蓋兆發高帝帶鍾文景由寬之  
過制急之不漸故也所謂末大必折尾大難掉武帝從  
主父之策下推恩之令自是之後遂以陵夷子孫微弱  
衣食租稅不預政事至于哀平王氏秉權假周公之事  
而為田常之亂宗室王侯或乃為之符命頌莽恩德豈  
不哀哉由斯言之非宗子獨忠孝於惠文之間而叛逆  
於哀平之際也徒權輕執弱不能有定耳賴光武皇帝  
挺不世之姿擒王莽於已成紹漢嗣於既絕斯豈非宗  
子之力也而曾不監秦之失策襲周之舊制至于桓靈  
閹宦用事君孤立於上臣弄權於下由是天下鼎沸奸  
宄並爭宗廟焚為灰燼宮室變為榛藪太祖皇帝龍飛  
鳳翔掃除凶逆大魏之興于今二十有四年矣觀五代  
之存亡而不用其長策子弟宗室權均匹夫執齊凡庶  
內無深根不拔之固外無磐石宗盟之助非所以安社  
稷為萬世之策也且今之州牧郡守古之方伯諸侯皆  
跨有千里之士兼軍武之任或比國數人或兄弟並據

而宗室子弟曾無一人間廁其間與相維制非所以彊  
幹弱枝備萬一之虞也今之用賢或超為名都之主或  
為偏師之帥而宗室有文者必限小縣之宰有武者必  
致百人之上非所以勸進賢能褒異宗室之禮也語曰  
百足之蟲至死不僵以其扶之者衆也此言雖小可以  
譬大是以聖王安不忘危存不忘亡故天下有變而無  
傾危之患矣同冀以此論感悟曹  
爽爽不能用通鑑魏邵陵公紀

### 柳宗元封建論

詳見前集

### 蘇子瞻指掌圖序

圖書之作其來尚矣周官詔觀事則有志詔地事則有圖圖也者所以輔

書之成也昔蘇秦按此以說諸侯而知六國有十倍之  
勢蕭何藏此以相高祖而知天下院塞之所在聚米為  
象馬後所以度隄置建樓而畫德裕所以服南詔藩鎮  
強梁於河北而險要詳於吉甫先零跋扈於隴西而地  
形上於充國規制華夷靡不憑此後之學者未擅博洽  
周覽之見區區然知書之為在而至其所謂圖者藏為

玩好之具往往時出而觀之夫不考方域審形勢而欲  
精窮載籍高談時務顧不鄙哉又况區域之建肇自古  
初以迄於今上下數千百載間離分合併增省廢置不  
勝拏煩故有境土雖同名稱或異為梁一也而有南有  
大有少焉今汝州梁縣為南梁皇都浚儀縣為大梁州  
韓城縣為少梁為蔡一也而有新有上有下焉新蔡上  
蔡今蔡州縣下蔡今潁川縣三齊三楚之既別齊與濟  
北膠東是為三齊江陵為南楚彭城為西楚吳為東楚  
三蜀三吳之已殊三蜀謂蜀都漢高分置廣漢武帝分  
犍為三吳今蘇潤湖州或取名於列宿則曰營曰婺隋  
置婺州取婺女星之分為名營州亦然或率循於姓氏  
則為姚為蒙姚州人各姚姓蒙州亦皆蒙姓以至地列  
荆揚方分陝右南齊以荆州為陝西蓋比周名分陝之  
義青齊沃壤復號東秦南燕慕容德初議所都滿聰曰  
青齊沃壤號曰東秦載籍所傳不可不辨予嘗歷考分  
志參驗古昔始自帝嚳迄于聖朝代別為圖著其因革

刊其同異凡四十有四其目曰坤作地勢高下九則自昔高辛經畧萬國作帝嚳九州圖舜承堯緒肇分區宇冀北創并部之名燕齊起幽營之號作舜十有二州圖茫茫禹迹大啓九道作禹迹圖帝命武湯奄有九有作商九有圖周有天下改作禹貢徐梁入於青雍冀野析於幽并而職方氏實掌其任作周職方圖周室衰微諸侯強盛齊晉秦楚更主會盟江黃曹滕見於傳記作春秋列國圖春秋之後七國並爭秦險百二楚地六千韓為天下脊魏為東藩障燕文趙肅並為諸侯雄作七國壤地圖秦併八荒罷侯置守始郡縣天下作秦郡縣天下圖秦鹿已斃劉項交馳未決雌雄故有鴻溝之約作劉項中分圖漢祖仗劍蹙秦誅楚以有天下郡國雜治勢錯犬牙作西漢郡國圖方漢祖固陵之敗不指梁楚之地則不足以致韓彭之師蒙於是喜張子房之達權識漢高皇之審勢作異姓八王圖方吳楚連衡稱為東帝非城守睢陽堅壁昌邑則不足以遏其西勢蒙非特喜

趙鄧之善謀抑又嘉條侯之能用作吳楚七國圖新都  
閔位盜我神器天命未移致命聖皇復還舊物作東漢  
列郡圖炎劉訖籙天下分崩魏跨中原吳檀江表蜀擁  
漢中而鼎足之形成矣作三國鼎峙圖迨晉太康南平  
孫吳天下復合為一作西晉列郡圖劉石唱亂懷愍蒙  
塵化龍之謠起於江左作東晉中興江左圖宋武之興  
劉平羣盜西定秦隴幾有天下之半志大謀疎得而復  
失其後道成帝齊蕭衍帝梁霸先帝陳而天下謂之南  
國作宋齊及梁陳圖拓跋氏盜有中原稱為元魏運鍾  
孝武遂分東西厥後高歡霸齊宇文基周而天下謂之  
北國作元魏及北齊後周圖隋文平陳車書共道煬帝  
失德羣雄乘之國以不祀作隋氏有國圖唐太宗親揮  
天戈掃過亂畧幅員之數跨越三代作唐十道圖郡名  
建置或因或革檢察之使各部其境作唐郡名及十五  
採訪使圖肅宗建置藩鎮本以人亂謨養孽芽卒以生  
亂作藩鎮疆界圖五代易君不啻傳舍東割西據疆理

不常作梁唐晉漢周圖州郡躔次紀於甘陳甘氏星圖  
陳卓分野山河兩戒創自一行保章辨封域以知妖祥  
則天象分野不可不知也馬援立銅柱以表漢界則雜  
標地名亦不可不知也五代否極天地開泰太祖膺期  
肇造區夏故為圖以紀開創之功太宗繼統丕揚先烈  
克集大勲故為圖以紀混壹之績分天下為二十三路  
以州理人則見之於元豐九域志聲教遠暨遐徼內屬  
則見之於羈縻化外州府號郡名多沿唐舊改易仍廢  
因時施宜則見於州府名號因草廢置皆以方今郡縣  
為主又以古今華夷區域及山水名號括要圖先無庶  
使由今之號以觀歷代之沿革如印券鑰勘之易或有  
談家者曰子之述作工則工矣恐括後人覆瓿之譏而  
使覽者貽闕馬之失奈何應之曰不然昔子雲草玄蓋  
曰後有子雲始必知之使世之觀此圖者河源不必窮  
禹穴不必探泰山不必登不假登望大梁之墟而始知  
陳鄭之災不待崎嶇劔閣之險而始知蜀道之難也古



今輿地披圖了然如親履而目見之庶乎可以不出戶而知天下因命之曰指掌由是言之豈必後世子雲而始好之耶雖然寡聞單見稽考不詳不蘇子瞻指掌圖無謬誤刪而正之則有俟於後之君子

### 總論

歷代郡國見諸載籍固詳矣類舉則不勝其繁畧之則其文或闕國勢一統故增損時定土宇分裂

則得失不常今於圖末重述因草紀其總數庶幾易於參考焉粵若高辛創法九土分疆夏功見於唐虞商人無所損益姬姓理鎬頗易舊名徐梁入於青雍冀土析於幽并其後七雄交爭王畿日盛東遷之地僅存七城河南洛陽新城平陰偃師葦城羸氏得志以守易侯瓜分天下為郡三十有六而南平百粵又置閩中南海桂林象郡凡四十郡郡置一守焉其地則西臨洮而北沙漠東縈西帶皆臨大海漢祖龍興草秦之弊分內史為三郡更置郡國二十有三桂陽江夏豫章河南魏郡東海楚國平原梁田定襄泰山汝南淮陽千乘東萊燕

國清河信都常山中山渤海廣陵涿郡合二十三也三  
內史者河上渭南中地也地理志曰高祖增二十六武  
帝改河上渭南中地以為京兆馮翊扶風是為三輔文  
增其九庶平城陽淄川濟南膠東河間廬山衡山武帝  
改衡山曰六安景加以四濟北濟陰山陽北海宣帝改  
濟北曰東平武帝開越攘胡初置十七南海蒼梧鬱林  
合浦交趾九真日南珠崖儋耳九郡平西南夷置牂牁  
越萬沈黎文山犍為益州六郡西置武都郡又分立零  
陵郡為十七郡拓土分疆又增十四洪農臨淮西河朔  
方酒泉陳留安定天水玄菟樂浪廣陵燉煌武威張掖  
昭帝少事又增其一金城是也至平帝元始二年凡新  
置郡國七十有一與秦四十合一百一十有一改雍曰  
梁改梁曰益又置徐州復舊號南置交趾北有朔方凡  
為十三郡梁益荆揚青豫兗徐幽并冀十一州交趾朔  
方二刺史合十三郡光武投戈之歲值彫耗之辰郡國  
蕭條并省者八成陽淄川高密膠東六安真定泗水廣

陽建武十一年省州牧復為刺史員十三人掌一州明  
帝置一永昌章帝置二任城吳郡和順改作其名有九  
和置濟北廣陽順改淮陽為陳改楚為彭城濟東為東  
平臨淮為下邳千乘為樂安信都為安平天水為漢陽  
是也省朔方刺史合之於司隸凡十三部其與西漢不  
同者司隸校尉部治河南朔方方隸於并部而郡國百  
有八焉省前置八分置五改舊名七因舊九十有六少  
前漢三也桓靈頗增於前復置六郡桓高陽高涼博陵  
靈南安鄆陽廬陵魏武定西朔三方鼎立生靈板蕩關  
洛荒蕪所置者十二新興樂平西平新平畧陽陰平帶  
方熱郡樂陵章武南鄉襄陽而省者七上郡朔方五原  
雲中定襄泊陽廬江文帝置七朝歌陽干戈陽魏興新  
城義陽安豐明及少帝增二明增上庸少增平陽得漢  
郡者五十四焉蜀先主於漢建安之間初置郡九已東  
巴西梓潼江陽汶山漢嘉朱提宕渠涪陵後主增二雲  
安興古得漢郡者十有一焉吳大帝初置郡六臨賀武

昌珠崖新安廬陵南郡少帝景帝各四少臨川臨海衡陽湘東景天門建安建平合浦厥後歸命侯亦置十有二郡始安始興邵陵安成新昌武平九德吳興東陽桂林榮陽宜都得漢郡者十有八焉晉武太康元年既平孫氏凡增置郡國二十有三榮陽上谷頓丘臨淮東莞襄城沙陰長廣廣甯昌黎新野隨郡陰平義陽毗陵宣城南康晉安寧浦始平畧陽樂平南省省司隸置司州別立梁秦寧平四州仍吳之廣州凡十九州司豫冀兗荆徐揚青幽平并雍梁秦涼益寧交廣郡國一百七十七仍吳所置二十五仍蜀新置十一仍魏所置二十一仍漢舊九十三置二十三惠帝不君中州盡棄永嘉南渡建業開基九州之地有其二焉自茲以降國分南北更王迭霸疆理不常宋至孝武大明中州凡二十有二郡二百三十有八縣千一百七十有九南齊總統又置巴東一郡餘並因之為州二十有三郡三百九十五縣千四百七十有四頗為元魏侵吞互相得失蕭梁之時

多沿舊制天監中有州二十有三郡三百五十縣千二  
十有五其後更有析置大同中州百有七郡縣亦稱於  
此陳氏較之土宇彌蹙西不得蜀漢北失淮肥而以長  
江為境有州四十有二是時其地愈狹立名愈多為郡  
百有九縣四百三十有八此皆疆宇之列乎南者也後  
魏起自北方遷據中土有州百十有一郡五百一十有  
九縣千二百五十有一自東西分都之後天下鼎立梁  
陳有江東宇文有關西高齊據河北有州九十有七郡  
百六十縣三百六十有五後周宇文志在興復自是西  
有姑臧西南有全蜀東南之境盡于長沙通計州二百  
十有一郡五百八縣千二十有四凡此皆疆理之列乎  
北者也迨隋文平一天下遂廢諸郡以州理人至煬帝  
平林邑更置三州大業三年改州為郡乃置司隸刺史  
分部巡察大凡郡百九十縣千二百五十唐興高祖改  
郡為州太守為刺史太宗元年因山川形便分天下為  
十道開元中又因十道分山南江南為東西道增置黔

中道及京畿都畿置十五採訪使檢察如漢刺史之職  
二十八年戶部帳凡郡府三百二十有八縣千五百七  
十有三天寶之亂兩京覆沒因假方鎮用平章盜代德  
之際至于不朝不貢效戰國股肱相依天子羽書所制  
河南數十郡而已僖昭以後日並割裂其他大鎮南則  
吳浙荆湖閩廣西則岐蜀北則燕晉而朱溫所握七十  
八州以為梁繼之克用之唐敬瑭之晉劉蕡之漢郭威  
之周躡迹相因迭有中土莊宗初起并代取幽滄有州  
三十五其後又取梁魏博等十有六州合五十一州以  
滅梁岐王稱臣又得其州七同光破蜀已而復失唯得  
秦鳳階成四州而營平二州陷于契丹其增置之州一  
合一百二十三州以為唐石氏入立獻十有六州于契  
丹而得蜀金州又增置之州一合一百九州以為晉劉  
氏之初秦鳳階成復入于蜀隱帝時增置之州一合一  
百六州以為漢郭氏代漢七州入于劉昫世宗取秦鳳  
階成瀛莫及淮南十四州又增置之州五而廢者三合

一百一十八以為周宋興因之此中國之大畧也其餘外屬者疆弱相并不常其得失至于晉末閩已先亡而在者七國自江以南二十一州為南唐自劔以南及山南西道四十六州為蜀自湖南北十州為楚自浙東西十三州為吳越自嶺南北四十七州為南漢自太原以北十州為東漢而荆歸峽三州為南平合中國所有有二百六十八州而軍不在馬上天降休誕錫真主太祖皇帝撫念黎庶命將專征荆湘蜀土銜璧請命李煜劉鋹束手受擒太宗皇帝聖略勃興志清餘孽吳越并分相繼納款車書混一德被遐徼聖聖相繼治監太清圖籍所列府州軍監凡二百九十有五縣一千一百三十有一而化外羈縻之州不與焉嗚呼治形則亂弭泰萌而否消猶之重明麗而妖氛清洊雷作而羣聽悚王者大一統四海皆徠臣魏魏乎盛德大業將底於億萬斯年之永宣不

偉歟

古今合璧事類備要別集卷二